

R. ST TANDIKO  
M.I ST. RAJO BATUAH

*Tuntunan*  
**Alur Persembahan**  
**DAN PIDATO ADAT MINANGKABAU**



Cetakan kedua

PERBIT. CV PUSTAKA INDONESIA  
BUKITTINGGI

DOKUMENTASI  
LUKMAN ALI

R. ST

M.I ST

A

DA

31  
4

MILIK PERPUSTAKAAN BALAI BAHASA T. 1975

DITERIMA TGL : 6 September 2000

SUMBER/HARGA : H

TEKSI :


NO. INVENTARIS : 3484 / H / 2000 / 7 : 1 (1)

NO. KLASIFIKASI : 306 203 1

R. ST TANDIKO  
M.I ST. RAJO BATUAH

**HIBAH**  
DARI BAPAK LUKMAN ALI  
UNTUK BALAI BAHASA PADANG

*Tuntunan*  
**Alur Persembahan**  
**DAN PIDATO ADAT MINANGKABAU**



**DOKUMENTASI**  
**LUKMAN ALI**

Cetakan Kedua

MILIK PERPUSTAKAAN  
BALAI BAHASA PADANG

---

PENERBIT. CV PUSTAKA INDONESIA  
BUKITTINGGI

*Euntunan*  
**ALUR PERSEMBAHAN  
DAN PIDATO ADAT MINANGKABAU**

Disusun oleh :  
**R. ST. TANDIKO  
M. I. ST. RAJO BATUAH**

— Cetakan kedua —

Penerbit **Cv. "PUSTAKA INDONESIA"** Bukittinggi --

## — KATA PENGANTAR —



Bangsa kita mempunyai kepribadian sendiri, yakni kepribadian yang melukiskan betapa tingginya nilai kebudayaan bangsa Indonesia. **Sesuai dengan keadaan** alamnya maka kebudayaan Indonesia terdiri dari ber-macam2 ragam kebudayaan daerah, yang **jalin berjalin dengan erat**nya menjadi satu, merupakan lambang "BHINNEKA TUNGGAL IKA".

Oleh sebab itu kebudayaan daerah itupun haruslah dipelihara, dipupuk dan dibiarkan berkembang menurut kodratnya, untuk mengisi kepribadian Indonesia yang dicantumkan dalam haluan negara kita

Maka didorong oleh hasrat yang mulia itu dan untuk memenuhi permintaan kawan2, kendatipun merupakan sebutir pasir dipantai kebudayaan bangsa, kami usahakan juga menyusun buku "TUNTUNAN ALUR PERSEMBAHAN DAN PIDATO" adat Minangkabau, untuk dapat dipedomani dan dipergunakan oleh masyarakat kita waktu menghadiri upacara2 adat Minang.

Oleh karena lain padang lain belalangnya, lain lubuk lain ikannya, maka isi buku ini tentu tidak akan sesuai seluruhnya dengan kebiasaan dan cara yang lazim dipakai di-tiap2 negeri laras atau luhak, yang ada di Minangkabau. Tapi kami yakin se-tidak2nya buku ini dapat dijadikan pedoman menurut keadaan, waktu dan corak upacara adat yang berlaku diberbagai negeri, laras ataupun luhak itu, secara global.

Kepada para ahli, pemangku adat dan cendekiawan kami harapkan agar dapat memberikan petunjuk dan kritik yang berguna untuk menyempurnakan kekurangan isi buku ini. Dan kepada kawan2 yang telah sudi memberikan bantuan, kami aturkan terima kasih banyak.

Akhirnya kepada Tuhan Yang Maha Pemurah kami panjatkan syukur dan doa mudah2an buku ini ada juga manfaatnya bagi masyarakat Minangkabau khususnya, dan bangsa Indonesia umumnya.

Wassalam Penyusun,

Kamang 1 Maret 1977.

## PENJELASAN

1. **ALUR** : isinya mengandung kiasan, banyak memakai pepatah-pepith, sesuai dengan bunyi pepatah Minangkabau : "Tembak dibari ba alamat, kato dibari ba kiasan"  
"Kilek baliung kakaki, kilek camin ka—muko, kilek kasai masuak aia, kilek kato masuak hati".  
"Bagarih samo taruo, bagumik samo katuju".

Inilah yang selalu dipakai di-tiap2 negeri di Minangkabau. Alur biasanya dipakai dalam penuturan ninik-mamak atau cerdik pandai dalam upacara adat Minangkabau.

2. **Persembahan** : isinya mengandung ibarat anak muda, seperti pantun dan lain2 yg menjadi permainan (pamenan) anak2 muda dalam negeri dan merupakan bunga adat bagi ninik—mamak,  
Persembahan biasa dipakai oleh anak muda dalam upacara2 adat Minangkabau
3. **PIDATO** : isinya mengandung tambo adat lamo pusako usang alam Minangkabau.  
Biasanya dipakai oleh anak muda dalam upacara adat yang besar, seperti mengangkat Penghulu, yang biasanya disebut :  
alek badatuak.





## BAB 1 ALUR

### 1. ALUR ROKOK - SIRIH

**Sipangka : Dt. Kayo**

**Sialek : Dt. Rajo Intan**

- Sialek :** Dt. Kayo, pasambahan tibo bakeh Dt. !  
 Sambah nan ditibokan titah nan diantarkan, nak sarapeknyolah ninik jo mamak, sipat tarhalia diateh rumah nangko. Usah kadibilang diatap gala aratinyo sambah sajo dimuliakan.  
 Sambah nan ditibokan titah nan diantarkan, maagak dihari nan kapatang, siriah nan bacabiak, pinang bagatok, kahadapan karib jo kabiah, ipar jo bisan, korong jo kampuang, sakarang alah bahadiri.  
 Ba-apo dihari nan sahari nangko, janjang ba--tingkek, bandua batapuak, duduak sahamparan, tagak saedaran, Manimbang sapanjang adat, mangaji sapanjang alur, ciek jo duo, duo jo tigo, alah banamo salasai.  
 Picak nan satapiak bulek nan sagiliang, adat nan sapakai, karib jo kabiah lah batamu, anak jo bapak lah baso, duduak bahadapan, tagak ba--tantangan,  
 Maisok santo jo daun, duduak nak baiyo, tagak bamuah. Sakan sambah diantarkan kahadapan Datuak.

- Sipangka :** Sampai Dt. ?  
 Ma-agaki rundingan Dt. nan katangah, surat kato dek baulang, pasa jalan dek ba tampuah, buah paitaian Dt. nan kahambo ulang.  
 Sambah manyambah dipulangkan kapado Allah, kato saja dipakatokan. Apolah nan jadi buah

kato Dt. cako; ma-agak dihari nan dahulu, siriah nan, bacabiak, pinang nan bagatok, kahadapan karib jo kabiah, ipar jo bisan, nak mahadiri pa-karajaan nangko.

Ban-*a*po dihari nan sahari nangko janjang ba—tingkek bandua batapuak; duduak bahamparan tagak saedaran.

Manimbang sapanjang adat, mangaji sapanjang alur, alah ciek jo duo, duo jo tigo, alah banamo basalasai.

Tumbuah nan bak banyiah, tabik nan bak padi, tabik disirjah nan bacabiak. dipinang nan ba—gatok, karib jo kabiah lah batamu, anak jo ba-pak lah basuo, duduk bahadapan tagak batan—tangan. *Maisok santo* jo *daun*, duduak nak baiyo tagak nak bamurah. Kan baitu bana buah panitahan Dt. ?

**Sialek** : Iyo bana.

**Sipangka** : Yo ma Dt. !

Sapanjang buah panitahan Dt. nan katangah. la-mak bak raso santan manih bak raso tangguli, Tapi sungguhpun baitu elok kato jo mupakat, lamak kato dipakatokan, hambo bao kato jo mu-pakat, saba Dt. jo panitahan.

Laikoh dalam adat nan bapakai, dalam cupak nan baisi, nan baitu Dt. ?

**Sialek** : Sampai Dt. ?

Sapanjang buah panitahan Dt. nan katangah; kok didanga lah babunyi, dipandang lah barupo.

Kateh samo bapucuak, kabawah samo saurek.

Limbak nan dari pado itu, duduak nan samo sa-hamparan, tagak nan samo saedaran, hambo bao kato jo mupakat.

Kan baitu bana buah panitahan Dt. ?

**Sipangka** : Iyo bana !

**Sialek** : Tibonyo lah dalam adat nan bapakai, dalam cupak nan baisi, kato kadibao jo mupakat, Dt.

**Sipangka** : Kok baitu saba mananti Dt. ?

**Sialek** Sa-kiro2.

**Dt.** Kayo membawa kata mupakat dengan ninik mamak, alim ulama, cerdas pandai dan yang patut2, yang hadir duduk dalam upacara (perhelatan) itu, Kemudian mengembalikan rundingan kepada Dt. Rajo Intan.

**Sipangka** : Dihari nar. cako Dt. saba jo panitahan, hambo mambao kato jo mupakat, jo nan duduak sa—hamparan, tagak saedaran. Picak nan satapiak, bulek nan sagiliang, adat nan sapakai, sabuah kato lah bapakatokan, labiah bak maisok santo jo daun. Itulah bana nan hambo antarkan ba—keh Dt.

**Sialek** Sampai Dt. ?

Dihari nan cako hambo saba jo panitahan, Dt. Marenjeng kato jo mupakat, jo nan duduak sa—bulek nan sagiling, adat nan sapakai, sabuah kato lah bapakatokan, labiah bak maisok santo jo daun. Kan baitu bana buah panitahan Dt.

**Sipangka** Kateh lah samo sapucuak, kabawah lah samo sa—urek, nan kito ba-apo Dt.

**Sialek** Nan kito babateh.

**Sipangka** : Yo ma Dt. !

Dalulu kato basitinah, kamudian kato basicapek iyo capek tibonyo bakeh Dt.  
Kacapek-an tibonyo bakeh Dt. maagak rundingan kito cako, alah ciek jo duo, duo jo tigo, alah banamo basalasai. Sungguahpun bak raso basalasai, tumbuhan nan bak hanyiah, tabik nan bak

padi. Siriah naiak carano katangah, siriah kami nak mintak Dt. kunyah. Itu bana diantar kahadapan Dt.

Sialek

Sampai Dt. ?

Sunat kato dek baulang, pasa jalan dek batampuah, buah panitahan Dt. nan kahambo ulang.

Apolah nan jadi buah panitahan Dt. cako, kok didanga lah babunyi, dipandang lah barupo, kateh ta-ambun jantan, kabawah takasiak bulan, lamak bak raso santan, manih bak raso tangguli nan tumbuah bak banyiah, nan tabik bak padi, pihak disilang nan bapangka, karakok nan bajunjuang, pakarajaan nan bapangka. siriah naiak, carano katangah, siriah kami nak mintak Dt. kunyah. Kan baitu jinjh buah panitahan Dt. ?

Sipangka

: Iyo bana.

Sialek

: Yo ma Dt. !

RundinganDt. nan katangah, bulek lah buliah digolekkan, picak lah buliah dilayangkan. Tapi sungguhpun baitu, lamak siriah lega carano, lamak kato lega bunyi, lamak lauak dek pamasak elok kato jo mupakat, saba Dt. jo panitahan. Laikoh dalam adat lamo pusako usang, nan baitu?

Sipangka

: Kok itu lah bana.

Dt. Rajo Iatan membawa kata mupakat.

(Bagaimana cara sialek membawa kata mupakat, lihat Alur mambao kata mupakat hal 37 !)

Sialek

: Yo ma Dt.

Dihari nan cako Dt. saba jo panitahan, hambo mambao kato jo mupakat, jo nan duduak saham-

paran, tagak saedaran: Sapanjang parmintaan Dt. nan katangah, pintak buliah, kandak balaku **Sabuah kato lah dipakatokan, labiah bak mangunya siriah jo picang.** Itulah bana diantarkan kapado Dt.

- Sipangka : Sampai Dt. ?  
Kok hilia lah sarangkuah dayuang, mudiak lah satimbang galah, nan kito ba-apo Dt.
- Sialek : Babateh.



## 2. ALUR MINUM - MAKAN

Sipangka : Dt. Maruhun

Sialek : Dt. Nagari Basa

- Sipangka : Dt. Nagari Basa, sambah tibo bakh Dt.  
Sambah manyambah dipulangkan kapado Allah, kato sajo dipakatokan. Ma-agak dihari nan sahari nangko, janjang batingkek, bandua bata... puak, duduak sahamparan, tagak saedaran.  
Manimbang sapanjang adat, mangaji sapanjang alur, alah ciek jo duo, duo jo tigo banamo basalasai. Pun ba-ato hanyo lai, manantang jamba nan ba-atap, kumbuak nan ba-atua, supayo nak mintak diparenai. Sakian sambah tibo bakh Datuak

- Sialek : Sampai Dt. ?  
Apolah nan manjadi buah panitahan Dt. cako. Ma-agak-i rundingan Dt. nan katangah, sunat kato dek baulang, pasa jalan dek batampuah panitahan Dt. nan kahambo ulang.  
ma-agak dihari nan dahulu, disiriah nan bacabiak.

dipinang nan bagatok, kabadapan karib jo kabiah ipar jo bisan, korong jo kampuang, nak mahadiri pakarajaan nangko. Adopun dihari nan sahari nangko, janjang batingkek, bandua batapuak, duduak sahamparan, tagak saedaran. Manimbang sapanjang adat, mangaji sapanjang alur, alah ciek jo duo, duo jo tigo, alah banamo basalasai Limbak nan dari pado itu, tumbuhan nan bak banyiah, tabik nan bak padi, tabik disilang nan bapangka, karakok nan bajunjuang, pakarajaan nan bapangka, jamba nan ba-atap, kumbuak nan ba-atua, Yo bana nak mintak diparenai.  
Kan baitu bana jinih buah panitahan Dt. ?

Sipangka : Iyo bana Dt. !

Sialek : Yo ma Dt.

Sapanjang buah panitahan Dt. nan katangah, alah dalam adat nan bapakai, dalam cupak nan baisy, dalam ragi nan takambang.  
Tapi sungguahpun baitu, lamak siriah lega carano, lamak kato lega bunyi, lamak lauak dek pamasak, elok kato jo mupakat, buruak kato diluanyo, hambo bao kato jo mupakat, jo nan duduak samo sahamparan, tagak samo saedaran, Saba Dt. jo panitahan. Lajikoh dikanduang adat, dilingka pusako, nan baitu Dt. ?  
Itulah bana nan hambo antarkan bakeh Dt. !

Sipangka : Sampai Dt. ?

Sapanjang buah panitahan Dt. bakeh hambo, sapanjang buah panitahan hambo nan katangah, alahkoh dalam cupak nan baisy, dalam adat nan bapakai, dibao kato jo mupakat.  
Kan baitu bana buah panitahan Dt. ?

Sialek : Iyo bana.

- Sipangka : Tibonyo lah dalam adat nan bapakai, kato ka—  
dibao jo mupakat, Dt.
- Sialek : Nan kato lah dalam adat lamo pusako usang,  
kato kahambo bao jo mupakat, saba mananti  
malah Dt.
- Sipangka : Hambo mananti sa-kiro2.  
**Dt. Nagari Basa membawa kata mupakat dan ke-  
mudian mengembalikan rundingan kepada Dt.  
Maruhun.**
- Sialek Yo ma Dt.  
Dihari: nan cako Dt. saba jo panitahan, hambo  
mambao kato mupakat, jo nan duduak saham—  
paran, tagak samo saedaran. Picak nan satapiak,  
bulek nan sagiliang, adat nan sapakai, sapanjang  
parmintaan Dt. nan katangah, tibonyo lah dalam  
adat nan papakai, dalam cupak nan baisi, pintak  
buliah, kandak balaku.  
Itu bana nan hambo antarkan bakeh Dt.
- Sipangka : Sampai Dt. ?  
Ma-agak-i rundingan Dt. nan katangah, nan ba—  
ukua, nan bajangko, nan babarih nan babalabeh,  
sabarih tidak namuah hilang, satitiak tidak na—  
muah lipua. Sabuah pintak buliah, kandak  
balaku, tinggi hambo anjuang, gadang hambo  
amba. Itulah kato nan diantarkan bakeh Dt.
- Sialek : Sampai Dt. ?  
Kok hilia lah saranguah dayuang, mudiak lah sa-  
timbang galah, nan kito ba-apo Dt. ?
- Sipangka : Nan kito baparantian.

### 3. ALUR ADAT KATANGAH

Sipangka : Dt. Bagindo

Sialek : Dt. Palimo

Sipangka : Dt. Palimo, pasambahan tibo bākeh Dt.

Sungguhpun Dt. nan disambah, nak sarapeknyo lah ninik jo mamak, amai jo bapak, sipat tarha-lia ateh rumah nangko.

Usah kadibilang diateh gala, artinyo sambah sajo dimulihkan. Ka-pambilang pa-atap gala, laikoh tempat samparono sambah tibo bākeh Dt. ?

Sambah nan hambo tibokan, titah nan hambo antarkan kahadapan Dt, ma-agak dikami dimaso nan dahulu, mako dibaolah amai jo bapak sarato kami badunsanak, mencari kato jo mupakat.

Sakarang dapek kato jo mupakat, bulek kato paukuran. Bulek lah buliah digolekkan, picak lah buliah dilayangkan. Adopun dihari nan sahari nangko, janjang batingkek bandua batapuak, duduak sahamparan, tagak saedaran.

Manimbang sapanjang adat, mangaji sapanjang alur, alah cick jo duo, duo jo tigo, alah banamo basalasai. Sungguhpun baraso basalasai, jalan nan duo tarantang, satu jalan sarak, kaduo jalan adat.

Ba-apo nan sapanjang sarak, alah samparono bapati jo doa disurau. dihadapan Imam dengan Chatib, sarato Bilal Maulana, dihadapan saksi jo sahadah.

Ba-apo nan sapanjang adat, terdiri dirumah tanggo, kampuang jo halaman, dihadapan niniak jo mamak, sarato karib dengan kabiah. Cuma lai sapanjang adat kami nan katangah, kain nan ba-



lipek, pitih nan babilang, mintak ditarimo suku, dilakukan kahadapan niniak dengan mamak, sarato amai dengan bapak, baliu nan ka-ampek suku\*, tergantung kapado banyak suku dinegeri itu sendiri.

Sakian sambah diantarkan kahadapan Dt.

Sialek : Sampai Dt. Bagindo ?

Sipangka , Yo ma Dt.

Sialek : Sunat kato dek baulang, pasa jalan dek batam—puah, buah panitahan Dt. nan kahambo ulang. Apolah nan manjadi buah panitahan Dt. cako, sambah manyambah dipuangkan kapado Allah, kato sajo dipakatokan. Apolah nan manjadi buah kato kapado hambo, ma-agak dihari maso nan dahulu, mangko dibaolah niniak jo mamak, amai, jo bapak mencari kato jo mupakat, mambulekkan paukuran. Bulek lah buliah digolekkan, picak lah buliah dilayangkan. Adopun dihari nan sahari nangko, janjang batingkek, bandua batapuak, duduak sahamparan, tagak saedaran, manimbang sapanjang adat, mangaji sapanjang alur, alah ciek jo duo, duo jo tigo, alah bananto basalasai. Kini tumbuah nan bak banyiah, tabik nan bak padi, tabik disilang nan bapangka, karakok nan bajunjuang, pakeajaan nan bapangka, jalan duo nan tarantang, suatu jalan sarak, tadiri dimusajik dalam nagari, dihadapan Imam dengan Chatib, sarato Bilal Maulana, dihadapan Wali jo sahadah Ba-apo pulo nan sapanjang adat, tadiri dirumah tanggo, kampuang jo halaman, dihadapan karib jo kabiah, niniak jo mamak, sarato ibu dengan bapak. Tantang adat kami nan katangah, kain nan balipek, pitih nan babilang, nak mintak ditarimo, dilakukan kahadapan baliu niniak jo mamak, sarato amai dengan bapak, dan baliu

nan ka-ampek suku.

Kan baitu bana lalunyo buah panitahan Dt.

Sipangka : Iyo bana.

Sialek : Yo ma Dt.

Sapanjang buah panitahan Dt. nan katangah, kato surang dibulek-i, kato basamo dimupakati.

Hambo bao kato jo mupakat, saba Dt. jo panitahan. Laikoh dalam adat nan bakapai, dalam cupak nan baisi, nan baitu Dt. ?

Sipangka : Sampai Dt.

Tibonyolah dalam adat lamo pusako usang, kato dibao jo mupakat, Dt.

Sialek : Kok baitu saba mananti Dt.

Sipangka : Hambo nanti sa-kiro2.

Dt. Pali: no membawa kata mupakat dengan niniak mamak dan semua yang patut. Kemudian mengembalikan rundingan kepada Dt. Bagindo.

Lihat alur membawa kata mupakat !

Sialek : Yo ma Dt.

Dihari nan cako Dt. saba jo panitahan, hambo mambao kato jo mupakat, jo nan duduak saham-paran, tagak saedaran, sarato amai bapak nan ka-ampek suku. Manantang diadat nan katangah lak sarek jo pusako, lah rindiah jo pakaian, lah taracak dikudonyo, alah batarimo suko di baliau sapanjang adat. Itulah bana nan hambo antarkan bakeh Dt.

Sipangka : Sampai Dt.

Sapanjang buah panitahan Dt. bakeh hambo, dihari nan cako hambo saba jo panitahan, Dt. marenjeng kato jo mupakat. Picak nan satapiak bulek nan sagiliang, adat nan sapakai, ka-ateh lah samo sapucuk, kabawah lah samo saurek, alah

Batarimo suko di baliu sapanjang adat.  
Kan baitu bana buah panitahan Dt. ?

Sialek : Iyo bana.

Sipangka : Yo ma Dt.

Sabuah pintak alah buliah, kandak alah balaku  
lah sanang kironya hati Dt.

Sialek : Yo ma Dt.

Dahulu kato basitinah, kamudian kato basicapek,  
capek tibonyo bakeh Dt. Kacapek-an tibonyo  
bakeh Dt. ma-agak parundingan kito cako, alah  
ciek jo duo, duo jo tigo, alah banamo basalasai.  
Manantang diadat nan katangah, alah sarek jo  
pusako, rindiah jo pakaian, taracak dikudonyo, ta-  
tampuah dijalanryo, alah batarimo suko sapanjang  
adat. Tapi amai bapak duduak rumik ma-insuik,  
tagak rumik marenjeng, tantang daripado ma-asak  
iyo manyarayo kapado anak mudo Dt.  
Itu bana nan hambo antarkan bakeh Dt.

Sipangka : Sampai Dt.

Sapanjang buah panitahan Dt. bakeh hambo, la-  
mak bak raso santan, manih bak raso tangguli.  
Tapi sungguahpun baitu hambo bao kato jo mu-  
pakat, jo duduak nan sahamparan, tagak saedaran  
saba Dt. jo panitahan.

Sialek : Sampai Dt. ?

Hambo nanti sa-kiro2.  
Dt. Bagindo membawa kata mupakat dan kemu-  
dian mengembalikan rundingan kepada Dt. Palimo.

Sipangka : Dihari nan cako Dt. saba jo panitahan, hambo  
mambao kato jo mupakat. Picak nan satapiak,

bulek nan sagiliang, adat nan sapakai, bulek nan buliah digolekkan, picak nan buliah dilayangkan amai bapak nangko dijapuik dijangkau, dimasuakkan kabiliak nan dalam, kunci nan tangguah, buhua nan arek. Tapat baliau balarang bapantangan. Agak rumik kami manampuah. Itulah bana nan hambo antarkan bakeh Dt.

Sialek : Sampai Dt. ?

Sapanjang buah panitahan Dt. nan katangah, nan baukua nan bajangko, nan babarih nan babalabeh, sabarih tidak namuah hilang, satitiak tidak namuah lipua, dalam adat lamó pusako usang. Tapi sungguhpun baitu, nan elok kato baiyo, nan bana kato baukua. Hambo bao kato jo mupakat, saba Dt. jo panitahan.

Sipangka : Sa-kir?2

Dt. Palimo membawa kata mupakat lagi.

Sialek : Yo. ma Dt.

Dihari nan cako hambo mambao kato jo mupakat, Dt. saba jo panitahan. Dapeklah kato jo mupakat bulek nan sagolek, picak nan salayang, adat nan sapakai, amai bapak nangko iyo bajapuik bajangkau, bamasuakkan kadalam biliak nan dalam, kunci nan taguah, kabuhua nan arek, tapat iyo balarang bapantang, basuluah matohari, bagalanggar mato nan banyak. Tapi habih adat jo karilahan, habih cupak jo pusako, nan sakali nangko rila jo maaf. Itu bana nan hambo antarkan bakeh Dt.

Sipangka : Sampai Dt.

Ka-ateh lah samo sapucuak, kabawah lah samo saurek, nan kito ba-apo Dt. ?

Sialek : Babateh.

#### 4. ALUR TIMBANG - TANDO

**Keterangan :** Timbang tando ini tidak dilakukan oleh ninik mamak (panghulo), tetapi oleh cerdik pandai atau oleh anak mudo. Jadi itulah sebabnya yang melakukan alur disini bergelar Sutan.

**Sipangka :** St. Diateh

**Sialek :** St. Panduko

**Sialek :** St. Diateh pasambahan tibo bakeh St.

Sambah nan hambo tibokan, titah nan hambo antarkan, janji nan bakarang, padan nan baukua, janji batapati ikrar bamuliakan

Ba-apo dimalam nan samalam nangko, jauh bajalang, hampia baturuik, janjang batingkek, bandua batapuak, duduak sahamparan, tagak saedaran.

Manimbang sapanjang adat, mangaji sapanjang alur, alah ciek jo duo, duo jo tigo, alah banamo basalasai. Minum lah sajuak, makanlah kanyang, paisok bagiliang lah bapanggang, siriah bakapua lah bakunyah. Kok lai nan taragak nan takana, nan tahilan dimato, nan takana dihati, kahadapan baliu silang nan bapangka, ibu dengan bapak lai koh hana dikatangahkan.

Itu bana nan diantarkan bakeh St.

**Sipangka :** Sampai St.

Sunat kato dek baulang, pasa jalan dek batampuah, buah panitahan St. nan kahambo ulang. Apolah nan jadi bua hpanitahan St. cako, sambah manyambah dipulangkan kapado Allah, kato sajo dipakatokan. Apolah nan manjadi buah kato di St. cako, janji nan bakarang, padan nan baukua, janji biaso batapati, ikrar biaso dimuliakan

Adapun dimalam nan samalam nangko, janjang batingkek, bandua batapuak, duduak sahamparan, tagak saedaran.

Manimbang sapanjang adat, mangaji sapanjang alur, alah ciek jo duo, duo jo tigo, alah banamo basalasai. Minum sajuak, makan kanyang, rokok bagiliang lah bapanggang, siriah sakapua lah bakunyah. Kok lai nan taragak takana dihati, pihak kapado silang nan bapangka, karakok nan bajunjuang, pakarajaan nan bapangka, kahadapan amai dengan bapak, laikoh bana dikatangahkan. Kan baitu bana lalunyo buah panitahan St. ?

Sialek : Iyo bana.

Sipangka : Yo ma St. !

Sapanjang rundingan St. nan katangah, licin badindi ang camin, data balantai papan, dalam adat nan bapakai, dalam cupak nan baisi.

Sungguahpun baitu elok kato jo mupakat, buruak kato diluanyo, hambo bao kato jo mupakat jo baliu nan duduak sahamparan, tagak saedaran, hambo japuikkan nan kabarinyo. Saba St. jo panitahan, laikoh bana nan baitu, St. ?

Sialek : Kok itu lah bana.

Sipangka : Kok baitu, lah kasaba St. jo panitahan ?

Sialek : Sa-kiro2.

St. Diateh membawa kata mupakat, kemudian mengembalikannya kepada St. Panduko.

Sipangka : Yo ma St. !

Dihari nan cako St. saba jo panitahan, hambo marenjeng kato jo mupakat. Nan jadi buah bari-nyo kapado hambo, dihambo ma-antarkan kapado

- St. sapanjang parmintaan St. nan katangah, alah dalam adat nan bapakai, dalam cupak nan baisi. Baitu kato baliau St.
- Sialek : Sampai St. ?  
Dihari nan cako hambo saba jo panitahan, St. marenjeng kato jo mupakat. Nan jadi buah barinyo di baliau kapado St. Di St. maantarkan kapado hambo, sapanjang parmintaan hambo nan katangah kok ado nan taragak takana, nan tahilan dimato, takana dihati, alah rancak dikatangahkan Baitu kato baliau. Kan baitu bana buah panitahan St. ?
- Sipangka : Iyo bana.  
Sialek : Iyo ma St.  
Sabuah pintak lah buliah, kandaklah balaku, kok itu alah rancak hambo katangahkan ?
- Sipangka : Alah dalam adat St.  
Dahulu kato basitinah, kamudian kato basicapek tibonyo bakeh St.
- Sipangka : Rancak capek St.  
Sialek : Kacapek-an tibonyo bakeh St. ma-agak parundingan kito cako, lah ciek jo duo, duo jo tigo, alah banamo basalasai. Ka-ateh lah samo sapucuk, kabawah lah samo saurek, niat nak manyampaikan kaula nak malapehi.  
Niat sangajo dalam hati, niniak jo mamak, amai jo bapak, nak manyanguikkan ka-auanyo, manyandakan katabiangnyo. Itu bana nan hambo antarkan bakeh St.
- Sipangka : Sampai St. ?  
Kato St. sajo dianjuang tinggi diamba gadang. Apolah nan jadi buah kato dek St. cako, sunat kato dek baulang, pasa jalan dek batampuah, buah panitahan St. nan kahambo ulang. Dahulu kato basitanah, kamudian kato basicapek, capek pulo tibonyo dek hambo bakeh St.

Kacapek-an tibonyo bakeh St. tantang parundingan kito cako, alah ciek jo duo, duo jo tigo, alah bano basalasai. Pun ba-atoh hanyo lai, niat nak manyampaikan kaula nak malapehi. Niat sangajo dalam hati niniak jo mamak, amai jo bapak. nak manyanguikkan ka-auanyo, manyandakan kata-biangnyo. Kan baitu bana buah panitahan St ?

Sialek : Iyo bana.

Sipangka : Yo ma St.

Sapanjang buah panitahan St. katangah, kito ba— hadap bahadang batunggalan, alah baraso bakabatulan. Tapi sungguahpun baraso bakabatulan tanam dibari batampang kamanakan nan bamamak sarato baliau nan hadir duduak, hambo bao kato jo mupakat, hambo japuikan nan kabarinyo, saba St. jo panitahan. Laikoh bana nan baitu St ?

Sialek : kok bailu lah bana.

St. Diateh membawa kata mupakat, kemudian mengembalikannya kepada St. Panduko.

Sipangka : Yo ma St. !

Dihari nan cako St. saba jo panitahan, hambo mambao kato jo mupakat, kahadapan niniak jo mamak, sarato amai dengan bapak manjapuikkan nan kabarinyo.

Nan jadi buah barinyo dek baliau bakeh hambo sapanjang buah parmintaan St. nan katangah nan tasanguik ka auanyo, tasanda katobiangnyo, alah dalam adat nan bapakai, dalam ragi nan takambang.

Tapi sungguahpun baitu cancang nan dua sagaragai, kapa nan duo solabuahan, jauh nak mintak ditunjukkan, hampia nak mintak dikakokan.

Itulah bana diantarkan bakeh St.



- Sialek : Sampai St. ?  
Sapanjang buah panitahan St. nan katangah, sapanjang buah panitahan hambo bakeh St. alah dilabuah nan golong, jalan nan pasa. Tapi sungguahpun baitu jauh nak mintak ditunjuakkan, hampia nak mintak dikakokkan. Kan baitu bana buah panitahan St. ?
- Sipangka : Iyo bana.
- Sialek : Yo ma St. !  
Ma-agak-i dihari nan dahulu kok bisiak lah samo kadangan, imbau lah samo kalampauan, rasio samo mandatang, manți samo barualang. Kini manyabuik St. jauh mintak ditunjuakkan, hampia mintak dikakokkan. Arang baisi aia, puruik baisi batu pulang maklum bakeh S t.
- Sipangka : Sampai St.  
Ma-agak-i rundingan St. nan katangah, kilek baliung samo kakaki, kilek camin samo kamuko kilek kato masuak hati. Limbak nan dari pado itu, kalau diukua dijangkakan balun lai patuiknan mamakai, sapanjang parmintaan St. nan katangah. Tabu singkek kurang tangguli, urang ketek kurang aka singkek kok tidak tauleh, senteng tidak tabilai, kurang tidak tatukuak, kok manjadi cacek maro malintang. Ba-apoh sipat kito batantangan St. Itulah bana hambo antarkan bakeh St.
- Sialek : Sampai St. ?  
Sapanjang buah panitahan St. dilabuahtann golong, jalan nan pasa. Tapi sungguahpun baitu nan jadi buah panitahan St. bakeh hambo, tak guno dirantang panjang, elok dikumpa nak nyo singkek, diambiak sakjro kapaguno. Sungguahpun urang ketek aka, tabu singkek kurang tangguli, namun dikami asal pintak kabuliab, kandak kabalaku satitiak manjadi lauik, sakapa manjadi gunuang.

Itulah bana diantarkan bakeh St.

Sipangka : Sampai St. ?

Sapanjang buah panitahan St. nan katangah, lamak bak raso santan, manih bak raso tangguli. Asal singkek samo kito uleh, kurang kasamo kito tu—kuak, pitaruah tidak kamaunyikan, bakirim tidak kamanuruti, dek kami silang nan bapaka, karakok nan bajunjuang, pakarajaan nan bapangka, kamanakan nan bamamak, sarato amai dengan bapak Kok bitu dari St. marilah lamak samo kito makan rancak samo kito enggakkan.

Itu bana diantar bakeh St.

Sialek : Sampai St ?

Sapanjang buah panitahan St bakeh hambo, sapanjang buah panitahan hambo nan katangah, kaateh lah samo sapucuak, kabawah lah samo saurek, pintak buliah kandak balaku.

Kan baitu bana nan jadi buah panitahan St. ?

Sialek : Yo ma St. !

Sabuah pintak alah buliah, kandak alah balaku. Dahulu kato basitinah kamudian kato basicapek, capek tibonyo bakeh St. Kacapek-an tibonyo bakeh St. tantangan parundingan kito cako, jauh lah buliah ditunjuakkan, hampia lah buliah dikakokkan. Pun ba-atoh hanyo lai, batali nan bairik, batambak nan ba-asak, tantang adat kami nan katangah, nak mintak ditarimo nan batando barupo. Itu bana diantarbakeh St.

Sialek mangunjukkan cincin tando (cincin pertunangan).

Sipangka : Sampai St. ?

Rajo nan sadaulat, panghulu nan saundiko kato

St. sajo dianjuang tinggi, diamba gadang. Apolah nan jadi buah kato dek St. cako, batali buliah di-irik, batambang buliah diasak, nan batando barupo Kan baitu bana buah panitahan St. ?

Sialek : Iyo bana,

Sipangka : Yo mo St.

Sapanjang buah panitahan St. nan katangah bana lah sasuai, paham lah saukua. Tapi sungguahpun baitu, elok kato jo mupakat, bana kato dek baiyo. Hambu bao kato jo mupakat saba St. jo panitahan. laikoh dalam adat nan baitu St. ?

Sialek : Kok baitu lah dalam adat.

Sipangka : Saba St. jo panitahan ?

Sialek : Sa-kiro2

**St, Diatch membawa kata mupakat**

Sipangka : Yo mo St.

Dihari nan cako St. saba jo panitahan, hambu mambao kato jo baiyo. Nan jadi buah barinyo dek baliau bakeh hambu, manantang diadat St. nan katangah, dicaliak lah barupo, dimakan lah baraso. Ba-apo dihari nan sahari nangko, jauh lah bajalang, hampia lah baturuik, janjang batingkek, bandua batapuak, duduak sahamparan, tagak saedaran. Manuruik pasa nan biaso, binatang dipacik tali, manusia dipacik kato. Disinan ba dtibokan, laikoh dapek ukua jo jangko, barih jo balabeh nan baitu St. ?

Sialek : Sampai St. ?

Sapanjang buah panitahan St. nan katangah, manuruik sapanjang adat. iyolah kato sabananyo. Sungguahpun baitu maagak dikami dihari nan

sahari nangko, bakaua tempat nan kiramat, ma-  
mintak tempat nan kabuliah. Arek nak jo panga-  
bek, taguah nak bakajangan. Manuruik pasa nan  
biaso, masuak nan jo pangunci kalua jo pambukak  
manuruik sapanjang adat. Itulah bana diantar-  
kan bakh St.

Sipangka

Sampai St. ?

Sapanjang rundingan St. nan katangah, kok dida-  
nga lah babunyi, dipandang lah barupo.

Bana sasuai paham saukua. Pintak buliah kandak  
balaku St.

Sialek

Sampai St. ?

Yo ma St. ! Sabuah pintak buliah kandak balaku  
sanang kironyo hati St.,

Sipangka

Yo ma St. !

Dahulu kato basitinah kamudian kato basicapek,  
capek tibonyo bakh St. Tantang parundingan kito  
cako raso bakabatulan. Tapi sungguahpun baitu  
alang nan bajawek, tapuak nan babaleh, adat di-  
kami nak mintak ditarimo, Itulah bana diantar  
bakh St. Putih banang nak bakapeh, putih  
hati nak baka-adaan, manuruik pasa nan biaso St.

Sipangka mengeluarkan pula cincin tando.

Sialek

Sampai St. ?

Dangan tidak barantang panjang, dibukak kulik  
diambiak isi, pintak samo buliah, kandak samo  
balaku, dek hambo batarimo suko sajo St.

Sipangka

Sampai St. ?

Pintak samo buliah, kandak samo balaku. nan kito  
ba-apo St. ?

Sialek

Babateh.

## 5. ALUR PARSILAN KATURUN

Sipangka : Dt. Sinaro

Sialek : Dt. Panghulu Basu

Sialek : Dt. Sinara, pasumbahan tibo bakh Dt 1

Sungguhpun Dt nan hambo sambah, nak sarapek-nyo lah niniak jo mamak, sado saisi rumah nangko Usah kadibilang ka diatap gala, aratinyo sambah sajo dimuliakan. Kapambilang pa-atap gala, lai-Roh tempat samparano sambah tibo bakh Dt ? Sambah nan hambo tibokan, titah nan hambo antarkan, pihak disilang nan bapangka, karakok nan bajunjung, pakarajaan nan bapangka, lumbuah nan bak banyiah, tabik nan bak padi. Ma-agak dihari nan dahulu, siriah bacabiak, pinang bagatok, kahilia kamudiak, katangah katapi, nak mahadiri pakarajaan nangko.

Adapun dihari nan sabari nangko, janjang bating-kek, bandua batapuk, duduak sahamparan, tagak saedaran, manimbang sapanjang adat, mangaji sapanjang alur, wakh ciek jo duo, duo jo tigo atah hanamo basalasi.

Limbak nan dari pado itu, minumlah sajuak, makan lah kanyang, paisok bagitiang-lah bapanggung siriah bakupua lah bakunyah. Ma-agak disiriah nan bacabink, dipinang nan bagatok, bulek dek pambuluah, bulek kato jo mupakat, duduak lah baraso panek, tagak lah baraso panang, buha lah bana kadiurak, kabek lah bana kadiungkal, duduak nak maurak saka, tagak nak maurak langkai, katampat masing2. Mintak dilapeh dek Dt jo itati nan suci, mako nan joniah. Nakiun sambah diantar sampai kahadapan Dt.

Sipangka Sampai Dt. ?

Sambah kambali bakeh Dt. !

Sambah nan hambo kembalikan, titah nan hambo antarkan, sunat kato dek baulang pasa jalan dek batampuah, buah panitahan Dt nan kahambo ulang Apolah nan jadi buah panitahan Dt. cako ma-agak dihari nan dahulu, siriah nan bacabiak, pinang nan bagatok, kahadapan karib jo kabiah, ipar jo bisan, nak mahadiri pakarajaan nangko. Ba-apo dihari nan sahari nangko, jauh bajalang, hampia baturuik, janjang batingkek, bandua batapuak, du-duak sahamparan, tagak saedaran. Manimbang sapanjang adat, mangji sapanjang alur, alah ciek jo duo, duo jo tigo alah banamo basalasai.

Dibilang minum alah sajuak, makan lah kanyang, rokok bagilang lah hapanggang, siriah bakapua lah bakunyah. Lamo duduak raso lah panek, lamo tagak raso lah panyiang, buhualah bana kadiurak kabek lah bana kadiungkai, duduak nak maurak solo, tagak nak maayun langkah, katampat kami masiang. Nak dilapeh jo muluik nan janiah, jo hati nan suci. Kah baitu bana buah panitahan Dt.

Sialek Iyo bana.

Sipangka Iyo ma Dt. !

Sapanjang buah panitahan Dt. nan katangah, kito nan bahadap bahadang, batunggalan, alah baraso takabatulan. Sungguahpuh baraso bakabatulan elok kato jo mupakat, buruak kato diluanyo, hambo bao kato jo mupakat, saba Dt jo panitahan, Laikoh bana nan baitu Dt. ?

Sialek Sampai Dt. ?

Sapanjang buah panitahan Dt bakeh hambo, kok didanga lah baik bunyi, dipandang lah baik rupo

data balantai papan, licin badindiang camin.  
Limbak nan dari pado itu, nan bana kato paiyo  
nan elok kato jo mupakat, saba Dt. jo panitahan.  
Kan baitu bana jinih buah panitahan Dt.

Sipangka : Iyo bana.

Sialek : Yo ma Dt.  
Dalam ragi nan takambang, dalam cupak nan baisi  
dalam adat nan bapakai; kato dibao jo mupa—  
kat Dt.

Sipangka : Sampai Dt. ?  
Nan kato lah dalam adat nan bapakai, dalam cu-  
pak nan baisi, kato ka hambo bao jo mupakat.  
saba mananti malah Dt.

Sialek : Sa-kiro2  
Dt. Sinoro membawa kata mupakat, kemudian  
mengembalikan perundingan kepada Dt. Penghu-  
lu Basa:

Sipangka : Yo ma Dt. !  
Dihari nan cako Dt. saba jo panitahan. hambo  
mambao kato jo mupakat; jo nan duduok saham-  
paran, tagak saedaran. Bulek kato jo mupakat,  
bulek lah buliah digolekkan, picak lah buliah  
dilayangkan, dimukasui nan lah sampai, di-ama-  
nap lah pacah, niat songajo dalamhati, batch  
tempat baranti rumah tempat bamalam. Rancak  
lah Dt. bamalam. Itulah bana nan hambo sam-  
paikan bakeh Dt.

Sialek : Sampai Dt. ?  
Dihari nan cako hambo saba jo panitahan. Dt. na  
renjeng kato jo mupakat, jo nan duduak saham  
paran, tagak saedaran. Mukasuik nan lah sampai,

dijama nan lah pacah, niat sangajo dalam hati, kok batch tempat baranti rumah tempat bamalam. Elok lah Dt bamalam sarato alek tengah rumah. Kan baitu bana buah panitahan Dt ?

Sipangka : Iyo bana

Sialek : Yo ma Dt.

Tantang rundingan Dt nan katangah, itulah kato nan sabananyo. Tapi sungguahpun baitu kato surang dibuleki, kato basamo dimupakati, lamak siriah lega carano, lamak kato lega bunyi,, lamak lauk dek pamasak, elok kato jo mupakat, saba Dt jo panitahan. Laikoh bana nan baitu. Itulah bana nan diantarkan bakeh Dt.

Sipangka : Sampai Dt ?

Kok itulah dalam adat nan bapakai, dalam cupak nan baisi, kato dibao jo mupakat Dt.

Sialek : Nan kato lah dalam adat nan bapakai, dalam cupak nan baisi, kato hambo bao jo mupakat, saba mananti malah Dt.

Sipangka : Se-kiro?

Dt. Pangulu Basa membawa kato mupakat, kemudian mengembalikan rundingan kepada Dt. Siaro

Sialek : Yo ma Dt.

Dibari nan cako Dt saba jo panitahan, hambo mambao kato jo mupakat. Dapek kato jo mupakat, picak nan satapiak bulek nan sagiliang, adat nan sapakai, sapanjang parmintaan Dt. nan kata ngafi, dalam adat nan bapakai, dalam cupak nan baisi, dalam ragi nan takambang. Batch tempat bernati, rumah tempat bamalam. Limbak nan



dari pado itu, nan bana kato baiyo, nan elok kato mupakat, tingga jo rundingan. Laikoh dalam adat lamo pusako usang nan baitu Dt ?

Sipangka : Sampai Dt. ?  
Rundingan Dt nan katangah, kok didanga lah babunyi, dipandang lah barupo, lamak bak raso santan, manih bak raso tangguli. Tapi sungguahpun baitu, sapanjang parmintaan hambo nan katangah, dalam adat nan bapakai, dalam cupak nan baisi Pun ba-atoh hanyo lai, pai jo mupakat, tingga jo parundingan. Kan baitu bana buah panitahan Dt.

Sialek : Iyo bana.

Sipangka : Yo ma Dt. !

Ma-agak-i rundingan Dt nan katangah, kok dirantang namuah panjang, elok dikumpa nak nyo singkek, ambiak sakiro kapaguno. Tantang rundingan kito nan katangah, alah samo tasangkuat ka-auanyo, tasanda katabiangnyo. Tapi samantangpun baitu, hambo baolah kato jo mupakat, saba Dt jo panitahan. Laikoh rancak nan ba—itu Dt ?

Sialek : Kok itulah rancak.  
Dt. Sinaro membawa kato mupakat.

Sipangka : Yo ma Dt. !  
Dihari nan cako Dt saba jo panitahan, hambo mambao kato jo baiyo, silang bapangka karokok bajunjuang. Sapanjang parmintaan Dt nan katangah, alah dalam adat nan bapakai, dalam cupak nan baisi, dalam rasi nan takambang. Selamat baliu nan pai, barakat kami nan tingga, bak parabek jo pangabek, bak tanguak luluh jo bingkainyo. Itulah bana diantar bakh Dt.

Sialek : Sampai Dt ?

Rundingan Dt. nan katangah, manuruik adat picak  
samo satapaak, bulék samo sagiliang, adat samo sa  
pakai, pintak kami buliah kandakan kami balaku.

Marapulai jo anak daro,  
bak talam jo tuduang saji  
Jauah lah malang tahinda lah maro  
sumangat sipangka batambah tinggi.

Ka-ateh lah samo sapucuak, kabawah lah samo  
saurek, nan, kito baparantian Dt.

Sipangka : Rancak baparantian.

### 5. ALUR DIPAKUBURAN

Sipangka : Dt Tongga.

Karib-kabiah : Dt, Batuah

Sipangka : Dt. Batuah, pasambahan tibo bakeh Dt.

K. kabiah : Sambah di Allah, monitahlah Dt. !

Sipangka : Sambah nan hambo tibokan bakeh Dt. dilahianyo  
dari hambo, dibatinnyo dari sagalo karib-kabiah,  
ipar dengan bisan, anak dan bapak.  
Sambah nan ditibokan bakeh Dt. ma-agak dihari  
nan sahari nangko, malang tidak dapek ditulak,  
mujua tak dapek dirajah, barpulanglah baliau ka  
Rahmatullah.

Dalam buhua nan harek, satia nan taguah, barek  
dipikua, ringan dijinjang, adat bakarib bakabiah  
baipar babisan, baranak bahapak, cupak diisi adat  
dipakai.

Pihak dikami silang nan bapangka, karajo na bapokok, Allah Ta'ala basipat Qadim, manusia basipat khilaf, kok ado nan khilaf khilafat salah tangan nan mangakok' capek kaki nan malangkah ataupun muluik nan bakato, nak mintak rilah jo ma'af. Itulah bana diantar bakeh Dt.

K. Kabiah : Sampai Dt ?

Ma-agak-i rundingan Dt nan katangah, sunat katek dek baulang, pasa jalan dek batampuah, buahpanitahan Dt nan kahambo ulang Apo lah nan jadi buah panitahan Dt nan katangah, ma-agak dihari nan sahari nangko malang nan tibo, parasaian nan tumbuah barpulanglah baliau ka Rahmatullah. Adat dlm buhua nan arek, satia nan taguah korong jo kampuang, barek dipikua, ringan dijinjiang diantar karumpuik nan layua. katangah nan lambang Adat bakarib kabiah, baipar babisan dalam korong kampuang' atau dalam nagari cupak diisi, adat dipakai, rusuah dipujuak, tangih diantokkan.

Ma-agak disilang nan bapangka karajo nan bapokok, tumbuah nan bak banyiah, tabik nan bak padi, salah pado Allah mintak toba,t salah kapado manusia mintak ma'af. Kok ado salah muluik nan bakato, sarato tangan nan mangakok' atau kaki nan malangkah' kok ado utang jo piutang, nak mintak dilabiakan, dihadapan karib jo kabiah, korong jo kampuang dihadapan anak jo bapak. Kan baitu bana buah panitahan Dt ?

Sipangka Iyo bana.

K. Kabiah : Yo ma Dt.

Ma-agak rundingan Dt. nan katangah bapareh bak sukatan, balilih bak bacupak, taracak dikudonvo.

tatampuah dijalanryo. Tapi sungguahpun baitu, niniak jo mamak hadok hadang, sarato karib jo kabiah, ipar dengan bisan, sarato korong jo kampuang, hambo bao kato jo mupakat, hambo japuik kan kabarinyo, laikoh dalam adat nan bapakai, dalam cupak nan baisi nan baitu Dt ?

Sipangka : Yo ma Dt !

Ma-agak-i rundingan Dt nan katangah, umpamo gombak ateh kapalo, umpamo sikumpai cikarau dalam nagari, kaganti sitawa jo sidingin dalam korong kampuang. Tibonyo dalam adat lamo pusa-ko usang, kato dibao jo mupakat Dt.

Dt. Batuah membawa kata mupakat, kemudian mengembalikan rundingan kepada Dt. Tungga.

K. Kabiah : Yo ma Dt !

Dihari nan cako Dt saba jo panitahan, hambo rearenjeng kato jo mupakat, jo niniak mamak karib jo kabiah, ipar jo bisan, dalam buek nan arek, satia nan tangguah, duduak samo bahadapan tagak samo tatantangan. Nan jadi buah barinyo dibaliau bakeh hambo, sapanjang parmintaan Dt. nan katangah, pintak buliah kandak balaku, dinan hidup maaf jo rilah nan dipakai, disipokok saba sajo dipabanyak. Urang saba kasihan Allah, pamaaf tinggi harago. Nan kami alah kami maaf kan, nan dibaliau nan lah bapulang ba-apokoh itu kini ? Itulah nan kami mintak kapado sipangka. Itulah bana diantar bakeh Dt.

Sipangka : Sampai Dt ?

Dihari nan cako hambo saba jo panitahan, Dt. mambao kato jo baiyo. Nan jadi buah barinyo dibaliau, niniak mamak, suluah bendang alim ulamo, ahli aka cadiak pandai, nan mudo dalam

korong kampuang ataupun dalam karib jo kabiah, parmintaan kami nan katangah pintak buliah kerdak balaku. Ea-apokoh nan dari kami ? Kan itu bana buah panitahan Dt ?

K. Kabiah : Iyo bana.

Sipangka : Yo ma Dt !

Tantangan rundingan Dt nan katangah, kok didanga nan babunyi dipandang nan barupo, tibonyo lah dalam adat nan bapakai dalam cupak nan bawisi. Tapi sungguahpun baitu warih nan manjawek wasiat nan manarimo, hambo hao kato jo mupakat saba Dt jo panitahan. Itulah bana diantar bawis kekeh Dt.

K. Kabiah : Kami saba sa-kiro2.

**Dt. Tunga membawa katu mupakat.**

Sipangka : Yo ma Dt !

Dihari nan cako Dt saba, hambo mambao kato baiyo, jo warih nan manjawek wasiat nan manarimo. Lah labiah dahulu nan maningga mambari maaf sagalo urang nan basalah nan saugamo dgn kito. Itulah nan kabariyo bawis Dt.

K. Kabiah : Sampai Dt ?

Pintak samo buliah nan kito ba-apo Dt ?

Sipangka : Yo ma Dt !

Dahulu kato basitinah kamudian kato basicapek capek tibonyo bawis Dt. Kacapek-an tibonyo bawis Dt ma-agak rundingan kito cako, alah ciek duo, duo jo tigo kok didanga alah babunyi, dipandang lah barupo. Sungguahpun baitu, nan jadi pintak juo dikami simuhun pokok, adat bapakai sarak bapakalang. Itu juo bana nan hambo antarkan bawis Dt.

nan bakeh hambo, dibaninnyo kahadapan niniak mamak, suluah bendang alim ulama, ahli aka cadiaak pandai, sarato nan mudo dalam kampuang. Hambo bao kato jo mupakat, bulek nan buliah digolekan picak nan buliah dilayangkan. Laikoh bana nan baitu Dt ?

Sipangka : Kok baitu lah bana.

Dt. Batuah membawa kata mupakat dengan alim ulama.

K. Kabiah : Yo ma Dt.

Sapanjang buah panitahan Dt nan katangah, alah dipaiyo dipakatokan, dalam karib kabih, ipar bisan suluah bendang alim ulama, ahli aka cadiaak pandai. Manuruik pasa nan biaso, barek biaso sapi-kua, ringan biaso sajinjiang, bababan tuluak kapalo, pintak buliah kandak balaku. Itulah bana nan hambo antarkan bakeh Dt.

Sipangka : Yo ma Dt !

Sabuah pintak alah buliah, kandak alah balaku, dek kami sagalo pokok pangka, alah basabuik jo muncuang, lah bakana jo hati. Ka-ateh samo sa pucuak, kabawah samo saurek, lah sanang kironyo hati Dt.

K. Kabiah : Pintak lah samo buliah, kandak lah samo balaku. Nan kito ba-apo Dt ?

Sipangka : Kato kito bari baparantian.

Maka berdoalah salah seorang alim ulama dipekuburan itu. Orang banyak meng-aminkan.

## 7. ALUR MAMBAO KATO MUPAKAT

Dt. Sati        Angku Dt Tuo, barunding jo angku Dt sapatah !

Dt. Tuo        : Manitahlah !

Dt. Sati        :: Sambah nan ditibokan, titah nan hambo antarkan, sambah manyambah dipulangkan kapado Allah, kato sajo dipakatokan. Apolah nan kajadi buah kato dihambo kahadapan angku Dt. managak dihari nan sahari nangko, kok didanga nan babunyi, dipandang nan barupo, tabik disilang nan bapangka, duduak nan baiyo, tagak nak barmuah. Nan kabarinyo hambo japuikkan bakeh angku Dt.

Dt. Tuo        : Sampai angku Dt ?  
Sunat kato dek baulang, pasa jalan dek batampuah buah panitahan angku Dt nan kahambo ulang.

Dt. Sati        Rancak angku Dt ulang.

Dt. Tuo        : Apolah nan jadi buah panitahan angku Dt cako, ma-agak dihari nan dahulu, pihak disilang nan bapangka, karakok nan bajunjuang, siriah bacabiak, pinang bagatok, kahadapan niniak dengan mamak, anak jo bapak. Mako dihari nan sahari nangko janjang batingkek bandua batapuak, duduak sahamparan tagak saedaran. Tumbuah nan bak banyiah, tabik nan bak padi, tabik disilang nan bapangka, karajo nan bapokok, didanga bunyi di pandang rupo. Duduak nan baiyo tagak nan barmuah, nan kabarinyo hambo japuikkan bakeh angku Dt ?

Dt. Sati        : Iyo bana.

Dt. Tuo : Yo ma angku Dt !  
Ma-agak-í rundingan angku Dt nan katangah, ju-  
ruih barantang tali data balantai papan. Lint-  
bak nan dari pado itu, jikoknyo pihak didiri hambo  
bana raso sasuai paham bak raso saukua.  
Tapi sungguahpun baitu, nan bana kato baiyo, nan  
elok kato mupakat, hambo bao kato jo mupakat  
jo duduak nan samo bahadapan, saba Dt jo pani-  
tahan, laikoh bana nan baitu ?

Dt. Sati : Kok itu lah bana.

Dt. Tuo membawa kata mupakat.

Dt. Tuo : Yo ma angku Dt !  
Dihari nan cako angku saba jo panitahan, hambo  
marenjeng kato jo mupakat, jo duduak nan baha-  
dapan. Picak nan satapiak bulek nan sagiliang,  
sapanjang parmintaan silang nan bapangka kara-  
kok nan bajunjuang, batanyo bakeh nan tuo, ba-  
guru bakeh nan pandai, sabuang bajanang aiek  
bajuaro, kok kato alah bapakatokan, didalam nan  
salingka duduak. Nan kabarinyo pulang kapado  
hujan nan bapuhun paneh nan barasa. Itulah  
bana nan kabarinyo bakeh Dt.

Dt. Sati : Sampai angku Dt ?  
Sapanjang buah panitahan angku Dt, alah taracak  
dikudonyo, tatampuah dijalanryo. Tapi sungguah-  
pun baitu, gayueng nak suruik kamulonyo, alah-  
koh rancak dikembalikan ?

Dt. Tuo : Kok itu lah rancak.

Dt. Sati : Yo ma angku Dt.  
Manuruik pasa nan biasa, lamak siriah lega carano  
lamak katò lega bunyi, tipak diangku Dt mangun-  
balikan. Laikoh bana nan baitu angku Dt ?



Dt. Tuo : Yo ma angku Dt !

Ma- agak rundingan angku Dt nan katangah, licin budindiang camin data balantai papan, nan ta-unjuak nan bajambo, talatak biaso batariak, dima no tambilang nan tatagak disinan tanah nan lambang, dimano rundingan bamulai disinanlah mangko basudah angku Dt.

Dt. Sati Yo ma angku Dt.

Sapanjang parundingan angku Dt. nan katangah, kok didanga baik bunyinyo dicaliak baik ruponyo Manuruik sapanjang adat, dimano anjiang manyalak, disinan biawak tajun, dimano kato bamulai, disinanlah bakasudahan. Kan baitu bana buah panitahan angku Dt ?

Dt. Tuo : Iyo bana.

Dt. Sati : Yo ma angku Dt.

Ameh kakumbali kapuronyo kain kabaliak kasangkutan, nan kito ba-apo angku Dt ?

Dt. Tuo : Babateh sakutiko

## BAB II PASAMBAHAN ANAK MUDO

### 1. JUARO KATANGAH

**Sipangka** : St. Palindih

**Sialek** : St. Mantari.

**Sipangka** : Niniak mamak hambo nan gadang basa batuah, gadang babingkah tanah, kabasaran salingka aur, tuah malingkuang Minangkabau, bari maaf hambo dalam buah pasambahan !

Suluah bendang alim ulama, ahli aka cadiak pandai, rilah jo maaf hambo pintak. Nan mudo manih bakato, duduak sahamparan tagak saedaran, rilah jo maaf hambo mintak. Juoro sialek, pasambahan tibo bakeh juaro !

**Sialek** : Sambah di Allah, manitahlah St !

**Sipangka** : Sungguahpun St saurang bakeh hambo manibokan salam jo buah pasambahan, nak sarapeknyolah niniak jo mamak, sipat tarhalia ateh rumah nangko. Usah kadibilang kadiatap gala, aratinyo sambah sajo dimuliakan. Pamiblang pa-atap gala, laikoh tempat samparono sambah tibo bakeh St !

**Sialek** : Sambah di Allah, manitahlah St !

**Sipangka** : Sambah nan hambo tibokan, titah nan hambo antarkan, jadi papatah dinan tuo, manjadi undang dinan cadiak ibarat kito anak mudo :

Takilek kapa dari sawang,  
Kapa nan datang dari muaro,  
Kapa nak hilia jo kamudiak,  
Sarek muatan kain putlah,  
Nakodoh tagak ateh tiang,  
Lalu malompek kasikooi.

Ma-agak dihari nan kapatang,  
Iyo baturuik dek juaro,  
Mambao siriah nan sacabiak,  
Mambao rokok nan sabatang,  
Kahadapan niniak dengan mamak,  
Sarato amai dengan bapak,  
Nak mahadiri pakarajaan ini.

Pun ba-atoh hanyo lai :

Tinggi karambia nan sabatang,  
Pucuak dikanduang'awan mego,  
Disakah anak bjdodari,  
Disakah lalu dibaonyo,

Kok nan dihilia alah datang,  
Nan dimudiak alah tibo,  
Nan dakek datang mananti,  
Sakarang alah bahadiri.

Limbak nan dari pado itu, ma-agak dihari nan  
sahari nangko kok janjang alah bating-  
kek bandua alah batapuak, duduak lah banamo  
sahamparan tagak banamo saedaran. Manim-  
bang sapanjang adat mangaji sapanjang alur, alah  
ciek jo duo duo jo tigo, alah banamo basalasai.  
Iyo juo bak undang dalam pasambahan :

Babunyi tarompek dimaligai,  
Gandang dipalu jo cumati,  
Dipalu sajo di-tengah2  
Takajuik buruang diudaro,  
Ateh maligai rajo Batak,  
Itu parentah rajo kito.

Saf banomo ampek,  
Ririk banamo tigo,  
Kadudukan niniak dengan mamak,  
Saroto amai dangan bapak,  
Kini juaro nak katangah.

Manampuah ririk katigonyo,  
Kok ado tahadap tabalakangi,  
Rilah jo maaf hamo pintak,  
Adat baitu dahulunyoo.

Sakian sambah tibo kahadapan St !

Sialek

: Sampai St ?

Inyiaak Dt Sati, bari maaf hambo dalam buah pasambahan ! Inyiaak Dt Marajo, bari maaf hambo dalam buah pasambahan ! Inyiaak Dt Bagindo, bari maaf hambo dalam buah pasambahan ! Sarapeknyolah niniak mamak hambo, kapai tempat batanyo, kapulang tempat babarito, bari maaf hambo dalam buah pasambahan ! Sado sipat tarhalia ateh rumah nangko !

Yo ma St !

Sambah kumbali bakeh St !

Bagilah St saurang bakeh hambo mangembalikan salam jo buah pasambahan, nak sarapeknyolah niniak jo mamak, sipat tarhalia ateh rumah nangko. Iyo jadi papatah dinan tuo manjadi undang dinan mudo. Apolah ibarat kato dinan mudo :

Tarantang suto di Kinamat  
Dicalut nak rang Ampang Gadang,  
Anjalai ba-darai2,  
Badarai kadalam padi,  
Talatak ateh pematang.

Sunat kato dek baulang,  
Pasa jalan dek batampuah,  
Kawi kato adat, lazim kato syarak,  
Buah panitahan St dianjuang tinggi,  
Diamba gadang.

Apolah nan jadi buah panitahan St cako :

Bukan carano nan balariak,  
Dilariak St Bagindo,  
Dipapan ado talatak,  
Di Padang di Indogiri,  
Dirumah Juaro Mudo

Ma-agak dihari nan kapatang,  
Iyo baturuik dek juaro,  
Mambao siriah nan sacabiak,  
Mambao rokok nan sabatang,  
Kahadapan niniak dangan, mamak,  
Serato karib jo kabiah, ipar jo bisan  
Nak mahadiri pakarajaan nangko.

Pun ba-atoh hanyo lai :

Sikukuik babaju balang,  
Si Santi Babaju suto,  
Nan dituntuik alah datang,  
Nan dinanti alah tibo

Ma-agak dihari nan sahari nangko, adat bakarib  
bakabiah, baipar nan babisan, jauh nan dijalang  
hampia nan dituruik. Janjang batingkek, bandua  
batapuak. duduak sahamparan tagak saedaran.  
Mandanga patuturan baliu ciek duo, manimbang  
sapanjang adat mangaji sapanjang alur, alah ciek  
jo duo, duo jo tigo, alah banamo basalasai.  
Iyo juo dijambo bak basiang, diganjua bak bata-  
nam, diulang jajak diitikam kiri, lambak tampu-  
ruang lago anam, ditariak tigo tingga tigo, bilangan  
sakitu juo. Apolah nan jadi buah panitahan dek  
St cako :

Calindik nak rang Ampek Angkek,  
Tapauik di Ujuang Guguak,  
Badariang mangko habunyi.  
Saf banomo ampek,  
Ririk banamo tigo,  
Kadudukan niniak dengan mamak,

Sarato karib daugan kabiah,  
Kini juaro nak katangah.  
Manampuah ririk katigonyr,  
Kok ado taha lap tabalakangi.  
Disusun jari nan sapuluah,  
Ditakuakan kapalo nan satu.  
Rilah jo maaf hambo pintak,  
Adat baitu dahuluno.

Sakian sambah tibo kahadapan St. Kan baitu  
bana buah panitahan St ?

Sipangka : Iyo bana.

Sialek : Yo ma St !

Sapanjang buah panitahan St. bakeh hambo, sapan-  
jang buah panitahan hambo nan kata ngah, kito  
nan bahadap bahadang batunggalan alah baraso  
bakabatulan. Tapi sungguhpun baraso bakabatulah,  
nirik jo mamak lai duduk bahadapan, suluah ben-  
dang alim ulama ahli aka cadiak pandai, nan mudu  
manih barkato, itu nan duduak samo sahamparan,  
tagak samo saedaran, hambo bao kato jo mupakat  
laikoh dalam adat nan bapakai, dalam cupak  
nan baisi, nan baitu St.

Sipangka : Sampai St ?

Sapanjang buah panitahan St. nan ktangah, alah  
dalam adat nan bapakai, dalam cupak nan baisi  
Tapi samantangpun baitu, niniak jo mamak lai  
duduak bahadapan, hambo renjeng kato jo mupa-  
kat, laikoh dalam adat nan bapakai. Kan baitu  
bana buah panitah, St ?

Sialek : Iyo bana.

Sipangka : Tibonyo lah dalam adat nan bapakai, dalam cu-  
pak nan baisi, kato dibao jo mupakat St.

Sialek : Yo ma St !

Nan kato lah dalam adat nan bapakai dalam lina-  
bago nan batuang, kato hambo bao jo mupakat,  
saba mananti malah St.

Niniak mamak membawa kata mupakat, kemudian  
sialek mengembalikan persembahan.

Sialek

Yo ma St !

Dihari nan cako St saba jo panitahan, hambo  
marenjeng kato jo mupakat, kahadapan niniak  
dengan mamak amai dengan bapak, sarato karib  
dengan kabiah. Apolah nan jadi buah barinyo  
dek baliau bakeh hambo, dihambo ma-antarkan  
kahadapan St iyo juo undang dalam pasambahan :

Burung banamo reno ali,  
Mancotok anak barabah,  
Mangaja anak mantilau,

Lah lamo adat dinagari,  
Elok pusako dek nan tuo,  
Manantang juaro nak katangah,  
Lalulah kato baliau, St.

Sipangka : Sampai St ?

Dihari nan cako hambo saba jo panitahan, St ma-  
renjeng kato jo mupakat kahadapan niniak de-  
ngan mamak. Apolah nan jadi buah barinyo  
dek baliau bakeh St dek St ma-antarkan bakeh  
hambo, sapanjang parmintaan hambo nan katangah

Burung banamo reno ali,  
Mancotok anak barabah,  
Mangaja anak mantilau,

Lah lamo adat dinagari,  
Elok pusako dek nan tuo,  
Manantang juaro nak katangah,  
Lalulah kato baliau.

ialek : Kan baitu bana buah panitahan, St ?  
Iyo bana.

ipangka : Yo ma St !  
Kok itu, iyo tu St. dijapuik sapatah lai :  
Jariau kayunyo lampai,  
Kok balah jangan disibia,  
Kok patah ganti jo basi.  
Mahimbau hambo lah sampai.  
Bakandak hambo lah buliah,  
Lak rancak kito baranti, St.

ialek : Sampai St ?  
Kok iyo, iyo tu St, dibalah sapatah lai apolah ka-  
pambalehnyo :

Barabah tabang ka Tiku,  
Maraok kadalam padi,  
Dipadi mulonyo makan.  
Pintak basamo buliah,  
Kandak basamo balaku,  
Rancak baranti kito, St.

ipangka : Sampai St ?  
Tukutu balam disangka,  
Mararau panjang katitiran,  
Sakitu baru nan takana,  
Nan lupo untuak kamudian.  
Lah rancak kito simpani.

ialek : Sampai St ?  
Pusako nan bajawab, pusako gajuang nan batang-  
kih, jawabnyo sajo hambo adokan, laikoh bana  
nan baitu St ?

ipangka : Kok itu lah bana.  
alek : Jawabnyo pulo dari hambo :



Bagalang-bagalang perak,  
Bacincin patah sambilan.  
Ka-alah kamanang tidak,  
Sadang rancak kito hantikan.

Sipangka : Kok itu babateh kito St.

## 2. MAKAN - MINUM (MAMPARENAI JAMBA).

Sipangka : Niniak mamak hambo , kapai tempat batanyo,  
kapulang tempat babarito. Umpamo kayu gadang  
ditangah padang, ureknyo bakeh baselo gadang  
batangnyo tempat basanda, rimbun daun tempat  
balinduang, tempat balinduang kapanasan, tam-  
pat bataduah kahujanah, bari maaf hambo dalam  
buah pasambahan !  
Juaro sialek, sambah tibo bakeh juaro !

Sialek : Sambah di Allah manitahlah, St !

Sipangka : Sungguahpun St saorang bakeh hambo manibokan  
salam jo buah pasambahan, nak sarapeknyolah ni-  
niak jo mamak, sipat tarhalia ateh rumah nangko.  
Usah kadibilang kadiatap gala, sambah sajo dimu-  
liakan. Kapambilang pa-atap gala, laikoh tempat  
samplerono sambah tibo bakeh St ?

Sialek : Sambah di Allah manitahlah St !

Sipangka : Sambah nan hambo tibokan titah nan hambo  
antarkan, iyo juo undang dalam pasambahan :

Malatuih badia dari hulu,  
Kanailah buruang diudaro,  
Malayang lalu kasubaliak,  
Bungo disakah tuan Pilat.

Disakah lalu dibaonyo,  
Asiangkan meja jo kurisi,

Ma-agak dihari nan kapatang,  
Iyo baturuik dek juaro,  
Mambao siriah nan sacabiak,  
Mambao rokok nan sabatang,  
Kahadapan niniak dangan mamak,  
Sarato karib jo kabiah, ipar jo bisan  
Nak mahadiri pakarajaan nangko.

Ba-apo dihari nan sahari nangko, kok nan jauh  
alah datang nan hampia alah tibo, nan dakok  
datang mananti, sakarang alah bahadiri.  
Cibuak badantuang, janjang batingkek, bandua  
batapuak, duduak sahamparan tagak saedaran,  
Manimbang sapanjang adat mangaji sapanjang  
alur, alah ciek jo duo, duo jo tigo, alah banamo  
basalasai. Sungguahpun baraso basalasai :

Pulau Makah tanahnyo aman,  
Timbalan rajo Banu Ruhum,  
Buliah mangkuto sabalah Arab,  
Sabablah warih dek panghulu,  
Lah kaka sakarang kini,  
Didarek lalu kalautan,  
Itulah rajo dialam nangko.

Niniak jo mamak duduak bahadapan,  
Sarato saudara hambo,  
Barapolah juaro baringan tangan,  
Cerek jo cangkia lah takarang,  
Edang, sudah tapabuek,  
Baiyo batido malah St.  
Kapado niniak dengan mamak,  
Jamba talatak mintak dipareni,  
Supayo nak sanang hati sipangka. St.

Sakian sambah tibo kahadapan St !

Sialek : Sampai St ?

Lebih dulu minta maaf kepada niniak mamak,  
alim ulama, cadiak pandai serta guru' yg hadir.

Yo ma St ! Sambah kumbali bakeh St !  
Bagilah St saurang bakeh hambo mangembalikan  
salam jo pasambahan. Usah kadibilang kadiatap  
gala, laikoh tempat samparano sambah kumbali  
bakeh St?

Sipangka : Sambah di Allah manitahlah, St !

Sialek : Sambah nan hambo tibokan, titah nan hambo  
antarkan, jadi papatah dinan tuo, jadi undang  
dinan cadiak, ibarat kito anak mudo :

Tarantang suto di Kinanat,  
Dicalut nak rang Ampang Gadang.  
Anjalai badarai-darai,  
Badarai kadalam padi,  
Tajelo ateh pematang.

Sunat kato dek baulang,  
Pasa jalan dek batampuah,  
Kawi kato adat, lazim kato syarak,  
Buah panitahan St dijunjuang tinggi,  
Diamba gadang.

Apolah nan jadi buah panitah, St cako :

Bukan carano nan balariak,  
Dilarik St Bagindo,  
Dipapan ado talatak,  
Dirumah juaro mudo,  
Di Padang di Indogiri.

Ma-agak dihari nan kapatang,  
Iyo baturuik dek juaro,  
Mambao siriah nan sacabiak,  
Mambao rokok nan sabatang.

Kahadapan niniak dangan mamak,  
sarato karib dangan kabiah,  
Ipar dangan bisan,  
Nak mahadiri pakarajaan nangko.

Pun ba-atoh hanyo lai :  
Tinggi karambia nan sabatang,  
Pucuk dikandung awan mego,  
Disakah anak bidodari,  
Disakah lalu d'baonyo.

Nan dihilia alah datang,  
Nan dimudiak alah tibo,  
Sakarang alah bahadiri.

Adopun dihari nan sahari nangko, kok jauh biasa  
bajalang hampia biasa baturuik, janjang alah  
batingkek, bandua alah batapuak lapiak alah  
takambang, duduak sahamparan tagak saedaran  
Rajo sadaulat panghulu saundiko, manimbang  
sapanjang adat mangaji sapanjang alur, alah ciek  
jo duo, duo jo tigo alah banamo basalasai.

Limbak nan daripado itu, iyo juo bak undang da-  
lam pasambahan :

Pulau Makah tanahnyo aman,  
Timbalan rajo Banu Ruhum.,  
Buliah mangkuto sabalah arab,  
Sabablah warih dek panghulu,  
Lah kaka sakarang kini,  
Didarek lalu kalautan,  
Itulah rajo dialam nangko.

Niniak jo mamak duduak bahadapan,  
Sarato saudaro hambo,  
Barapolah juaro baringan tangan,  
Cerek cangkia lah takarang,  
Hidangan alah tapabuck,  
Baiyo batido malah St.

Kapado niniak dangan mamak,  
Jamba talatak mintak diparenai,  
Supayo nak sanang hati sipangkalan St

Kan baitu bana buah panitahan, St ?

Sipangka : Iyo bana.

Sialek : Yo ma St !

Ambiak sicerek nan barangkai,  
Dipaluik aka bio-bio,  
Sahalai putuli kapangabek,  
Labiahnya ambiak kakulindan.

Dipaiyo dipatidokan,  
Dipaukua dipajangkakan,  
Disauak aia nan janiah,  
Dimintak kato nan bana,  
Kapado baliu nan hadia duduak,  
Saba lah St manantikan.

Laikoh didalam adat nan bapakai, didalam cupak  
nan baisi, St ?

**Selanjutnya lihat pantun mupakat (gawa)  
Dan akhirnya dibawahlah kata mupakat.**

Sialek : Yo ma St !

Dihari nan cako St saba jo panitahan, hambo  
marenjeng kato jo mupakat, bakeh baliu nan ha-  
dir duduak, Nan jadi buah barinyo dibaliu ba-  
keh hambo, dihambo ma-antarkan bakeh St. sapan  
jang permintaan St nan katangah, iyo juo bak  
undang dalam pasambahan :

Lihat pantun minum-makan !  
Dan seterusnya.

### 3. ADAT KATANGAH

Sipangka : Lebih dahulu minta maaf kepada niniak mamak,  
alim ulama, guru2, cardiak pandai dan semua yg  
hadir duduak, seperti persembahan Juaro Kata-  
ngah atau persembahan Minumu-Makan.

Barambus angin dari Selatan,  
Angin nan datang dari Indogiri,  
Barbagai rupo awan putih,,  
Tabanglah buruang ka Sumaniak,  
Tabang lalu kadaratan,  
Saikua mangambang paruah,  
Paruah basabuang dangan perak,  
Kapak basabuang aso-aso,  
Buruang nan indah nomor satu,  
Itulah burung pusako rajo kito

Mulo disusun jari nan sapuluah,  
Ditakurkan kapalo nan satu,  
Dihunjamkan lutuik nan duo,  
Kahadapan niniak dangan mamak,  
Sarato amai dangan bapak,  
Handak mangisakan ka-ateh rumah  
nangko.

Pun ba-atoh hanyo lai :

Bungo banamo bungo inango,  
Kambang satangkai ditampuaknyo,  
Pakirim St. dilautan.

Siang manjadi angan2,  
Malam manjadi kiro2,  
Lalok dibao barasian.

Apolah buah rasian

Urang Jawa batanun kain,  
Tatanun dikain suto,  
Tlok suduik raginyo bugih.

DOKUMENTASI

LUKMAN ALI

Sampan balaia nak ka Padang.  
Sarek muatan buah palo,  
Tiang bapaluik jo indo banat  
Lala baturap aia ameh.

Lah wajib paradu 'ain,  
Lai ketek nantiken gadang.  
Lah gadang tabik kiro2,  
Tumbuah bana dalam hati,  
Mako dicari hari nan baiak,  
Kutiko nan elok,  
Dilangkah nan lalu,  
Pakarajaan nan sunyi,  
Dibungo nan kambang duo kali lapan,  
Ditahun duo kali limo,  
Cupak tatagak nan diisi,  
Ragi takambang nan dituangi.

Kok bana amanat dinan cadiak, jadi papatah dinan  
tuo. Mamakai adat dangan syarak. Ba-apo sa-  
panjang syarak, alah samparono bapati dangan  
doa disurau.

Pun ba-atoh hanyo lai, sapanjang adat kami nan  
katangah, dikain nan balipek, dipitih nan babilang  
iyo bana nak mintak ditarimo suko, dilakukan ka-  
hadapan baliu niniak dangan mamak amai jo  
bapak, baliu nan ka-ampek suku. (\* tergantung  
kepada banyak suku di-tiap tiap negari )  
Sakian sambah tibo bakh St !

Sialek : Sampai St ?

Minta maaf kepada niniak mamak, alim ulama  
dan semua yang hadir duduk.

Yo ma St. Sambah kumbali bakh St !  
Bagi St saurang bakh hambo mangembalikan sa-  
lam jo panitahan, nak sarapeknyolah niniak jo  
mamak, sipat tarhalia ateh rumah nangko.

Usah kadibilang kadiatap gala, sambah sajo kito muliakan. Kapambilang pa-atap gala, laikoh tempat samparono sambah tibo kumbali bakeli St?

Sipangka : Sambah di Allah manitahlah St !

Sialek : Sambah nan hambo tibokan, titah nan hambo antarkan, lambak tampuruang lago anam ditariak tigo tingga tigo, bilangan sakitu juo. Sunat kato nan baulang pasa jalan nan batampuah, sapanjang buah panitahan St nan kahambo ulang. Apolah nan jadi buah panitahan St cako ;

Dititik galang rang Koto Gadang,  
Bari baukia tampuak manggih,  
Dibao nak rang Koto Tuo.

Naiak daripada anak janjang,  
Mangaji daripada alif,  
Mambilang daripada aso.

Kamudian daripada itu, adolah anak baliu siparampuan. Apolah utang ibu bapanyo, iyolah ma numbuakkan badak, mangunyahkan kasai.

Satalah pulang dari aia, digunting rambuik, dikorong gombak, dibao kalabuah katapian, kasumua katampat mandi, nak tau ereng jo gendeng, diguah jo pangkuah. Kamudian daripada itu, dirabahkan padi dilayokkan balam, di-etong<sup>2</sup> malam har di-hisab<sup>2</sup> malah tahun, sampai barumua baliq barakal.

Apolah nan utang ibu bapanyo, iyolah nak mamasuamikan. Itulah mangko dibaua niniak jo mamak, amai jo bapak, mencari kato jo mupakat, mambulekkan kato paukuran. Sakarang dapeklah kato jo mupakat, bulek lah buliah digolekkan, picak lah buliah dilayangkan, nak mampakaikkan bak rantai, mampasaluakkan bak tando, manda—



tang sapanjang adat, mananti sapanjang pusako.  
Apolah nan mandatang sapanjang adat, mambao  
carano batutuik, cibuk badantuang, janjang ba-  
tingkek bandua batapuak.

Apo nan mananti sapanjang pusako, sarok disapu  
lapiak takambang, careno katangah mamakaikar  
adat basandi sarak. Ba-apo nan sapanjang sarak  
tadiri disurau, dihadapan Imam dangan Khatib sa  
rato Wali jo sahadah. Ba-apo nan sapanjang adat  
tardiri dirumah tanggo, dalam korong kampuang  
dihadapan ibu dangan bapo sarato karib dangan  
kabiah. Manantang diadat kami nan katangah,  
kain nan balipek pitih nan babilang nak mintak  
dilakukan, ditarimo suko niniak dangan mamak  
sarato baliau nan ampek suku. Sakian sambah  
tibo bakeh St ! Kan baitu bana buah panita-  
han St ?

- Sipangka : Iyo bana.  
Sialek : Yo ma St !  
Sapanjang buah panitahan St nan katangah, sapan-  
jang buah panitahan hambo bakeh St, kito nan ba-  
hadap bahadang batunggalan, alah baraso bakaba-  
tulan. Niniak jo mamak lai duduak bahadapan,  
hambo bao kato jo mupakat, saba St jo panitahan,  
laikoh dilingkuang adat dilingka pusako nan ba  
itu St ?
- Sipangka : Tibonyo lah dalam adat lamo pusako usang, kato  
dibao jo mupakat, St !
- Sialek : Nan kato lah dalam adat lamo pusako usang, kato  
kahambo bao jo mupakat, saba mananti malah  
St !
- Sipangka : Hambo mananti sa-kiro2  
Maka dibawahlah kata mupakat dengan ninik ma  
mak dan beliau2 yang patut.

**Sialel** : 'Yo ma St !

Dihari nan cako St saba jo panitahan, hambo mam bao kato jo mupakat. Nan jadi buah barinyo dibaliau bakeh hambo, hambo ma-antarkan bakeh St, manantang adat nan katangah, dikain nan balipek pitih nan babilang, lah sarek jo pusako lah rindiah jo pakaian, alah taracak dikudonyo alah tatampuah dijalananyo, alah batarimo suko sapanjang adat.

**Sipangka** : Sampai St ?

Dihari nan cako hambo saba jo panitahan, St marenjeng kato jo mupakat. Nan jadi buah barinyo dek baliau bakeh St, dek St ma-antarkan bakeh hambo, manantang diadat katangah, lah sarek jo pusako, lah rindiah jo pakaian alah batarimo suko sapanjang adat. Kan baitu bana buah panitahan St ?

Sabuah pintak alah buliah, kandak lah balaku, lah sanang kironyo hati, St.

**Sialek** : Yo ma St !

Tinggilah patai Baruah Bukit  
Tampak dinan dari kampuang,  
Disuok jalan ka Tarusan.

Dahulu kato bataratik,  
Kamudian kato basicapek,  
Capek tibonyo bakeh St.

Kacapekan tibonyo bakeh St, tantangan parundangan kito cako, ciek jo duo duo jo tigo, alah bano basalasai, manimbang diadat nan katangah lah sarek jo pusako, lah rindiah jo pakaian, alah taracak dikudonyo, alah tatampuah dijalananyo alah batarimo suko sapanjang adat. Tapi amat bapak duduak romik ma-insuik ta gak rumit ma renjeng, satantangan dari pado maanjak, manya rayo kami kapado anak mudo St

Sipangka : Sampai St ?  
**Diulang buah panitahan sialek tersebut kemudian dibawa kata mupakat.**

: Yo ma St !

Dihari nan cako St saba jo panitahan, hambo mambao kato jo mupakat. Nan jadi buah barinyo dek baliu kapado hambo, hambo ma-antarkan kapado St, amai bapak nangko bajapuik bajangka bamasuakkan kadalam biliak nan dalam, bakunci nan taguah, kabuhua nan arek. Tampak baliu balarang bapantangan, agak rumik kami manampuhnyo St.

Sialek : Sampai St ?

**Diulang buah panitahan sipangka dan dibawa pula kata mupakat.**

Yo ma St !

Dihari nan cako St saba jo panitahan, hambo mambao kato jo mupakat. Nan jadi buah barinyo dek baliu, amai bapak nangko iyo bajapuik bajangkau, bamasuakkan kabiliak nan dalam, kakunci nan taguah kabuhua nan arek, tampak baliu iyo balarang bapantangan, basuluah matohari, bagalanggar mato nan banyak. Habih adat jo karelaan habih cupak jo pusako, nan sakali nangko, rilah jo maaf kato baliu, St.

Sipangka : Sampai St ?

**Diulang buah panitahan sialek diatas.**  
Sabuah pintak basamo buliah, kandak basamo balaku, alah kalalu anak mudo kami St ?

Sialek : Lalulah sapanjang adat ! Nan kito ba-apo St ?

Sipangka : Babateh.  
**Kemudian lalulah anak mudo untuk mengisukkan adat yang terletak ditengah itu.**

#### 4. MANJAPUIK URANG

Yang dimaksud disini ialah menampung orang somando laki2 di rumah orang tuanya untuk dibawa kerumah yang perempuan (isterinya).

Stalck

: Lebih dahulu minta maaf kepada niaiik mamak, niaiik mama, guru2, cerdik pandai dan semua yang hadir duduk.

Juara sipangkalan, pasambahan tibo bakesh St -  
Suungguahpun St surang bakesh hambo manibokan  
salam jo buah pasambahan, nek sarapeknyolah  
niniak jo mamak, sado sasi ramah nangko-  
Usah kadibilang kadiatap sambah sajo dimuliakan.  
Pambilang pa-atap gala, laikoh tempat samparono  
sambah tibo kahadapan St ?  
Sambah nan hambo tibokan, titah nan hambo ja-  
lankan, jadi papatah dinan tuo, jadi undang dinan  
cadiak, ibarat kito dinan mudo :

Dibalah rotan rang Piaman,  
Tiok dibalah sipi juo,  
Siang manjadi angan2,  
Malam manjadi kiro2.

kaciak namoi niat, gadang namoi kaul, manaruah  
niat jo nazar mamasang niat jo kaul. Apolah  
nan jadi niat jo nazar, mako dibaurlah niniak jo  
mamak amai jo bapak sarato kami badunsanak  
mancari kato jo mupakat, mambulekkan kato pa-  
jyoan. Sakarang dapek lah kato jo mupakat,  
bulek kato pungkuran, bulek lah buliah digolekkan  
picak lah buliah dilayangkan. Mako ditampuah-  
kan kaki nan kanan, dilangkahkan kaki nan kiri,  
mancari labuah nan gelong, jalan nan pasa dihari  
nan tadahulu. Bu-apo dihari nan sahari nangko,  
mambao carano nan batutuik, cibiak badantuang,

jaajaung batingket bandua batapuak, dudrak sa-  
hamparan tagak saedaran.

Dirajo nan sadaulat panghulu nan saundiko, ma  
timbang sapanjang adat mangaji sapanjang alur  
alah ciek jo duo, duo jo tigo alah banamo basala-  
sai. Pun ba-atoh laryo lai, dibilang minum alah  
sajuak, dibilang makan alah kanyang, rokok bapi-  
liang lah bapanggung siriah bakapua lah baku-  
nyah. Cuma lai, iyo bak undang dalam pasamba-  
han, ma-artak nak sampai kanamuang manjulak  
nak sampai kabuah, saparati mamanggung nak nyo  
masak, maabuih nak nyo kampuah, mamanggia  
nak tabao, manjapuik nak bairiangkan.  
Sakian sambah tibo kahadapan St -.

- Sipangka : Sampai St ?  
Mintak maaf lebih dahulu,  
Yo ma St !
- Sialek : Sambah di Allah manitahlah St -
- Sipangka : Bagilah St saurang bakh hambo manibokan salam  
jo pasambahan, nak sarapeknyolah niniak jo ma-  
mak sarato amai dangan bapak, dalam nan baka  
rib kabiah, nan baipar bican, sipat tarhalia ateh  
rumah nangko. Usah kadibilang kadi-atap gala,  
artinyo sambah sajo dimulitikan. Kapambilang  
kapa-atap gala, laikoh tempat samparono sambah  
tibo kumbali kahadapan St ?
- Sialek : Sambah di Allah manitahlah St !
- Sipangka : Sambah nan hambo tibokan, titah nan hambo an-  
tarkan, iyo juo bak undang dalam pasambahan :  
Tarantang suto di Kinamat,  
Dicalut nak rang Ampang Gadang,  
Anjalai badarai-darai.

Badarai kadalam padi,  
Tajelo ateh pematang.

Sunat kato dek baulang,  
Pasa jalan dek batampuah,  
Buah panitahan St dianjuang tinggi,  
Diamba gadang.

Apolah nan jadi buah panitahan St cako :

Dibalah rotan rang Pariaman,  
Tiok dibalah sipi juo,  
Siang manjadi angan2,  
Malam manjadi buah kiro2.

Kaciak dinamoi niat gadang dinamoi kaul, mana-  
ruah niat jo nazar mamasang niat jo kaul.

Apolah nan manjadi niat jo nazar, mako dibaurlah  
niniak jo mamak, amai jo bapak sarato kami ta-  
dunsanak, mancari kato jo mupakat, mambulekkan  
kato paukuran.

Sakarang dapeklah kato jo mupakat, butek lah bu-  
liah digolekkan picaklah lah buliah dilayangkan  
Mako ditampuahkan kaki nan kanan, dilayangkan  
kaki nan kiri mancari labuah nan golong, jalan  
nan pasa, dihari nan dahulu. Ba-apo dihari nan  
sahari nangko, mambao carano nan batutuik, ci-  
buak badantang janjang batingkek bandua ba-  
tapuak duduak sahamparan, tagak saedaran.

Baliau nan duduak sahamparan tagak saedaran,  
dirajo nan sadaulat panghulu nan saandiko, ma-  
nimbang sapanjang adat mangaji sapanjang alur,  
alah ciek jo duo duo jo tigo, alah banamo basa-  
lasai.

Pun ba-atoh hanyo lai, kok minum lah sajuak,  
makan lahkanyang, rokok bagiliang lah bapaug-  
gang siriah bakapua lah bakunyah. Iyo bak un-  
dang dalam pasambahan, ma-antak nak sampai  
kanamuang, manjuluak nak sampai kabuah, ma-

manggung nak nyo masak saporati ma-abuih nak nyo kanyuah, mamanggia nak tabao manjapuik nak baiiangkan. Sakian sambah tibo bakeh St. Kan baitu bana buah panitahan St ?

Sialek : Iyo bana.

Sipangka : Yo ma St !

Sapanjang buah panitahan St nan katangah, tibonyo lah dalam adat nan bapakai dalam cupak nan baisi. Tapi sungguhpun baitu, nan tuo tempat batanyo nan pandai tempat baguru, niniak jo mamak duduk bahadapan, sarato amai daangan bapak, hambo mambao kato jo mupakat, hambo japuikkan nan kabaryo, saba St jo panitahan. Laikoh dikandung adat dilingka pusako nan baitu St ?

Sialek : Sampai St ?

Tibonyo lah dalam adat nan bapakai, dalam cupak nan baisi, kato dibao jo mupakat, St !

Sipangka : Sampai St ?

Nan kato lah dalam ada' jamo pusako usang, kato kahambo bao jo mupakat, saba mananti malah St

Sialek : Sa-kiro?

Sipangka membawa kata mupakat.

Sipangka : Yo ma St !

Dihari nan cako St saba jo panitahan, hambo mambao kato jo mupakat. Nan kajadi buah bari nyo dek baliu bakeh hambo, hambo ma-antarkan bekeh St, sapanjang permintaan St nan katangah, tibonyo lah dalam adat nan bapakai dalam cupak nan baisi, dalam ragi nan takambang, pintak buliah kaudak balaku, St.

**Sajak** : Diulang buah peritahan sipangka tersebut.

Yo ma St !

Badabak hujan dari langit,  
Hujan nan tidak labek amek,  
Taganaug sajo dihalaman.

Dahulu kato bataratik,  
Kamudian kato basicapek,  
Capek tibonyo bakeh St.

Kacapek-an tibonyo dari hambo bakeh St, ma-agak dikemi dihari nan kapatang. siriali nan bacabiak pinang nan bagatok kulansiang nan balapeh. kahilia kamudiak, katangah katapi, anak mudo nan bajalan saurang jo baduo mailiakan labuah nan golong, jalan nan pasa.

Allah Ta'ala basipat Qadim manusia basipat khi laf, kok ado khilaf jo khilafat cicia jo panjapuik tingga-tinggalan, tantangan dari malapeh siriah.

Ba-apo dibaliau nan duduak sahamparan, tagak saedaran sarato baliau nan ka-ampek suku, iyo bana hilia nak samo saranguah dayuang mudiak nak samo satimbang galah. Ikolah bana nan diantar kahadapan St.

**Sipangka** : Sampai St ?

Sutan banamo Naminullah,  
Kakantua manjinjiang surek,,  
Kambanglah bungo parautan.

Dahulu kato basitinah,  
Kamudian kato bacicapek.  
Capek pulo dihambo tibonyo bakeh St.

Kacepek-an tibonyo bakeh St, ma-agak parunding an kito cako, alah ciek jo duo, duo jo tigo alah banamo basalasai. Cancang nan duo sagaragai kapa nan duo salabuhan, kok didanga nan babunyi, dipandang nan barupo. Dihari nan kapatang.



Sajak : Diulang buah paritahan sipangka tersebut.

Yo ma St !

Badabak hujan dari langik,  
Hujan nan tidak labek amek,  
Taganaug sajo dihalaman.

Dahulu kato bataratik,  
Kamudian kato basicapek,  
Capek tibonyo bakeh St.

Kacepek-an tibonyo dari hambo bakeh St, ma-agak dikami dihari nan kapatang, siriali nan bacabiak pinang nan bagatok kulansiang nan balapeh. kahilia kamudiak, katangah katapi, anak mudo nan bajalan saurang jo baduo mailiakan labuah nan golong, jalan nan pasa.

Allah Ta'ala basipat Qadim manusia basipat khi laf, kok ado khilaf jo khilafat cicia jo panjapuik tingga-tinggalan, tantangan dari malapeh siriah. Ba-apo dibaliau nan duduak sahamparan, tagak saedaran sarato baliau nan ka-ampek suku, iyo bana hilia nak samo saranguah dayuang mudiak nak samo satimbang galah. Ikolah bana nan diantar kahadapan St.

Sipangka : Sampai St ?

Sutan banamo Naminullah,  
Kakantua manjinjiang surek,  
Kambanglah bungo parautan.

Dahulu kato basitinah,  
Kamudian kato bacicapek,  
Capek pulo dihambo tibonyo bakeh St.

Kacepek-an tibonyo bakeh St, ma-agak parunding an kito cako, alah ciek jo duo, duo jo tigo alah banamo basalasai. Cancang nan duo sagaragai kapa nan duo salabuban, kok didanga nan babunyi, dipandang nan barupo. Dihari nan kapatang.

anak mudo nan bajalan mahiliakan korong jo kam puang, mambao siriah nan sacabiak rokok nan sabatang kahadapan niniak dangan maniak sarato karib dangan kabiah.

Allah Ta'ala basipat Qadim, manusia basipat khilaf, kok ado khilaf jo khilafat, tingga tinggalan tantang malapeh siriah. Ba-apo dibalieu nan da-duak sabamparan tagak saedaran, sabondong nak samo lalu satampuah nak samo suruik.  
Kan baitu bana bush panitahan St ?

Sialek : Iyo bana.

Sipangka : Yo ma St !

Sapanjang bush panitahan St nan katangah, datu balantai papan licin badinding camin, bana saiyu paham saukua. Tapi sungguahpun baitu, nan bana kato baiyo, nan elok kato mupakat. Hambo bao kato jo mupakat, bakeh baliau nan hadia du-duak, laikoh bana nan baitu St ?

Sialek : Kok itu lah bana.

Sipangka : Hambo kamambao kato jo mupakat, saba St wnantikan !

Sialek : Sakiro-kiro.

Sipangka membawa kata mupakat

Sipangka , Yo ma St !

Dihari nan cako St saba jo panitahan, hambo mambao kato baiyo jo baliau nan hadia duduk. Tantang parmintaan St nan katangah, tibonye dalam adat nan bapakai dalam cupak nan baik, dalam ragi nan takambang. Baitu Lato baliau St.

alek : Sampai St ?

Sapanjang rundingan St nan katengah, jikok jirau tang amuah panjang, elok dikurpa nak nyo singkek diambiak sakiro kapaguno. Sabuah pintak alat buliah, kandak lah balaku, nan kito ba apo St ?

pangka : Nan kito babateh !

### 5. PARSILAN KATURUN

alek : Lebih dulu minta maaf kepada ninik mamak, cerdik pandai, alim ulama, guru2 dan semua yang hadir.

Juaro sipangkalan, pasambahan tibo bakes juaro!

pangka : Sambah di Allah manitahlah St -

alek : Sungguhpun St saurang bakes hambo manibokan salam jo pasambahan, nak sarapeknyolah niniak jo mamak, sipat tarhalia ateh rumah nangko. Sungguhpun dihambo tabiknyo pasambahan, dilahianyo dari hambo dibatinnyo dari niniak jo mamak sarato karib jo kabiah, ipar dangan bisan, sagalo alek nan duduak tangah rumah, Iyo juo undang dalam pasambahan :

Malatuih badia dari hulu,  
Bungo disakah tuan Pilat,  
Kanailah buruang dari udaro,  
Malayang lalu kasubaliak,  
Disakah lalu dibaonyo  
Asiang meja jo kurisi.

Ma-agak dihari nan kapuang,  
Diatah silang nan hapangka,  
Pakarajaan nan bapokok,  
Siriah bacabiak, pinang bagatok,  
Kahadapan niniak dangan mama,  
Ipar dangan bisan,  
Sarato karib dangan kabiah,  
Sarato alek nan duduak tengah rumah,  
Nan mahadiri pakarajaan nangko.

Pun ba-atoh hanyo lai :

Sikukuik babaju balang,  
Si Santi babaju suto,  
Nan dituntuik alah datang,  
Nan dinanti alah tibo,  
Sakarang alah bahadiri.

Dihari nan sahari nangko kok jauh lah bajalang,  
hampia lah baturuik, adat bakarib bakabiah. Pa-  
ipar babisan bakorong bakampuang. Nan jauh  
dikirim surek nan dakek datang mananti, saka-  
rang alah bahadiri.

Janjang batingkek bandua batapuak, duduak sa-  
hamparan tagak saedaran. Baliau nan duduak sa-  
ramparan tagak saedaran, rajo sadaulat panghula  
nan saundiko, manimbang sapanjang adat manga-  
ji sapanjang alur, kok didanga nan babunyi dipan-  
dang nan barupo, balahia lah bapulau bajalan lah  
babateh. Dibilang minun lah sajuak dibilang  
makan alah kanyang, paisok bagiliang lah bapang-  
gang, siriah bakapua lah bakunyah. Jadi papatah  
dinan tuo jadi undang dinan cadiak, ibarat  
kito anak mudo :

Takilek kapa dari Makah,  
Marilah samo kito caliak,  
Kasiak tadoro ka nan pantal

Tika takambangpun alah basah,  
Daun dilirunpun lah cabiak,  
Asok putuih palito padam,  
Culin barungkai hanyo lai.

Lorong kapado niniak jo mamak, umpamo kayu gadang ditangah padang, ureknyo tempat baselo gadang batang bakeh basanda, rimbun daun umpat balinduang. Tempat balindung kapanasan tempat bataduah kahujan. Bungka ganok manahan cubo, ameh batuah manahan uji, balahia manantang dipulau, bajalan manuju batch, bakato manuju bana itu jabatan siang malam. Pun batoh hanyo lai, duduak lah baraso panek tagak lah baraso paniang, buhua lah bana kadiurak, kabek lah bana kadiungkai.

Duduak nak maurak selo tagak nak ma-ayun langkah katampat baliu masiang2. Mintak dilapeh jo muluik nan janiah, jo hati nan suci. Sakianlah sambah tibo kahadapan St !

**Sipangka** : Sampai St ?

Yo ma St, sambah kumbali bakeh St !

Bagi St saurang bakeh hambo mangembalikan salam jo pasambahan, nak sarapeknyolah niniak jo mamak, sipat tarhalia ateh rumah nanko. Usah kadibilang kadiatap gala laikoh tempat samparono sambah kumbali bakeh St ?

**Stak** : Sambah di Allah manitahlah St !

**Sipangka** : Sambah nan hambo tibokan, titah nan hambo antarkan, jadi papatah dinan tuo, jadi undang dinan cadiak ibarat kito anak mudo. Apokoh ibarat kito anak mudo :

Tarantang suto di Kinamat,  
Dicalut nak rang Ampang Gadang,  
Anjalai badarai-darai,  
Badarai kadalam padi,  
Tajelo ateh pamatang.

Sunat kato dek baulang,  
Pasa jalan dek batampuah,  
Kawi kato adat lazim kato syarak,  
Buah panitahan St dianjuang tinggi,  
Diamba gadang.

Apolah nan jadi buah panitahan St cako :

Bukan carano nan balariak,  
Dilariak St Bagindo,  
Dipapan ado talatak,  
Dirumah juaro mudo,  
Di Padang di Indogiri.

Ma-agak dihari nan kapatang,  
Iyo baturuik dek juaro,  
Mambao siriah nan sacabiak,  
Mambao rokok nan sabatang,  
Kahadapan niniak dangan mamak,  
Sarato karib dangan kabiah,  
Ipar dangan bisan,  
Nak mahadiri pakarajaan nangko.

Pun ba-atoh hanyo lai :

Tinggi karambia nan sabatang,  
Pucuak dikanduang awan mego,  
Disakah anak bidodari,  
Disakah lalu dibaonyo.

Nan dihilia alah datang,  
Nan dimudiak alah tibo,  
Sakarang alah bahadiri.

Adopun dihari nen sahari nangko, kok jauli Miso  
bajalang, hampia biaso baturuik, janjang bating-  
kek bardua batapuak, duduak sahamparan tagak  
sacadaran. Rajo sadaulat panghulu saundika  
manimbang sapanjang adat mangaji sapanjang alur  
alah ciek jo duo, duo jo tigo alah banamo basalase.

Limbak nan daripada itu iyo juo bak undang dalam pasambahan :

Rang Panta pai manyasah,  
Kaluak rang Koto Kaciak,  
Tampak nan dari kabun sarai.

Tika dikambangpun alah basah,  
Daun dihirunpun alah cabaik,  
Cangkia disusunpun alah perai,  
Asok putuih palito padam,  
Buhus diungkai hanyo lai.

Lorong kapado niniak jo mamak, gadang babingkah tanah, kabasaran salingka aua, tuah malingkuang Minangkabau.

Suluah bendang alim ulama, ahli aka cadik pandai, nan mudo maniah bakato, sagalo alek nan duduak tengah rumah. Duduak lah baraso panek tagak lah baraso paniang. Duduak nak maurak slo tagak nak ma-ayun langkahi, katampat masiang2. Mintak dilapeh jo muluik nan janiah, jo hati nan suci. Sakian sambah tibo kahadapan St Kan baitu bana buah panitahan St ?

**Sialek** : Iyo bana.

**Sipangka** : Yo ma St !  
Sapanjang buah panitahan St nan katangah, kok didanga lah babunyi dipandang lah barupo. Tapi sungguahpun baitu ninik jo maniak hadap hadang, sarato amai dangan bapak, hambo bao kato jo mupakat, saba St jo panitahan. Laikoh dalam adat nan bapakai dalam cupak nan baisi nan baitu St ?

**Sialek** : Sampai St ?  
Sapanjang buah panitahan St nan katangah, sapanjang buah panitahan hambo bakeh St, kito nan

bahadap bahadang batunggalan, alah baraso ba-  
kubatulan. Tapi sungguahpun baraso bakabatulan,  
nan rajo kato mupakat nan bana kato baiyo.  
Niniak jo mamak duduak bahadapan, sarato asai  
dangan hapak, hambo bao kato jo mupakat,  
hambo japuikkan nan kabarinyo, abalah St jo  
mupakat. Kan baitu bana buah panitahan St ?

Sipangka Iyo bana.

Sialek : Tibonyolah dalam adat nan bapakai dalam cupak  
zan baisi, limbago nan batuang, kato dibao jo mu-  
pakat, St !

Sipangka Sampai St ?  
Kato kahambo bao jo mupakat, tagak mananti wa-  
lah St !

Sialek Sa-kiro2  
Sipangka membawa kata mupakat.

Sipangka Yo ma St !  
Dihari nan cako St saba jo panitahan, haribo  
marenjeng kato jo mupakat, manjapuikkan nan  
kabarinyo. Nan jadi buah barinyo dibaliau bakes  
hambo hambo ma-antarkan bakes St, sapanjang  
pamintaan St nan katengah, iyo juo undang dalam  
pasambahan:

Kateram St dahulu,  
baladang ka Batang Hari  
Bamalam St dahulu,  
Sabab lah iko patangyo tuari.

Sialek Usahlah kami ka Taram,  
Baladang ka Batang Hari,  
Usahlah kami bamalam,  
Jalan harapia, karilah tinggi.

Selanjutnya lihat pentas persilakan katorman.



## 1. PIDATO SIRIH DARI SIPANGKA

Dari Japun handak ka Japun,  
Cino mamuek pacah balah,  
Ampun baribu kali ampun,  
Ampun hambo dimamak hambo nan gadang.  
basa batuah.

Salirik bandua ditapi, duo langgam bandua ditangah, lalu  
manyasak kapa serek. Sajak dari ujuang sampai kapangka,  
lalu malampau kahalaman. Rilah jo maaf hambo pintak.

Apo badakak dipalano,  
Parmato jatuah kalambali,  
Duduak hambo lai batanyo,  
Tagak hambo mambilang sambah.

Handak kagunuang Sikalibuik,  
Handak karimbo kayu jati,  
Kayu gadang banyak babuah,  
Katigo jo kayu kamat.

Gagap ganta lah hambo manyabuik,  
Panghulu banyak nan sakti,  
Rang mudo banyak batuah,  
Tuangku banyak nan kiramat.

Sambah di Allah sambah di nabi, sambah kabunaran said  
Alain, kalarau Yang Maha Mulia daripado wal ma'aju wal ma-  
'ajam, mangko diuraklah sagalo tambo nabi Adam ateh duo, tigo  
ampek dan limo. Adokalonyo sambah Malayu. Tempat ma-  
nyambah rajo nan pilihan, ateh balai balerong panjang, salingka  
korong salingkuang korong, tempat pamedanan panghulu kito  
Bungo satangkai nalo nali, harum satabun palajaran.

Maraok buruang diudaro, ka-ateh bungo maso itu Umpa

no gombak ateh kapalo. umpamo parmato intan diateh amek.  
Umpamo kayu gadang yang amat basa, tumbuahnyo ditangah  
padang ureknyo taguah kabumi pucuaknyo cewang kalangkik,  
rantiangnyo perak aso-aso. buah manjadi buah palo. bungo  
manjadi bungo cengkeh, daunnyo tempat balinduang, tempat ba-  
taduah kahujan. tempat balinduang kapanasan. Batangnyo  
tempat basanda ureknyo tempat baselo tempat tuangku main  
kitab tempat panghulu main alur tempat pandeka main silek,  
tempat nan pinta main kudo tempat sibudak main tondek tam-  
pat nan rusuah bahibo hati. Tidak tabado banyak urang, bunyi  
galak ba-darai2 bunyi gandang ba-buah2 rahmat turun kadu-  
nia, disangko dunia lai kan kaka.

Karambia ditangah padang,  
Tumbuhan dibatu nan tatagak,  
Tampak nan dari Indogiri,  
Jikok dunia alah takambang,  
Kok medan alah tarapak.  
Kok andiko lah tatagak,  
Kok adat lah bahadiri\*  
Diateh rumah ini.

Apolah nan jadi adat dalam nagari, siriah bacabiak pinang  
bagatok, kulangsiang balapeh tadahan tibo kamuko baliau, tim  
bakau bacucuik kapua babasah.

Rang Alak Koto di Alai.  
Hiliakan sawah di Aro,  
Kok banyak siriah dibalai,  
Saketek dalam carano,  
Rilah jo maaf hambo, pintak.

Anak urang Sungai Lansiang,  
Batuduang tuduang karakok,  
Nak hilia ka Balai Gurah,  
Siriah lah sudah baguntieng,  
Pinang lah sudah bagatok,  
Talatak dalam carano.  
Tan lah hambo punyo sambah.

Tarantang tali tarantang,  
Tarantang tali tandikek,  
Kabiluka bapikek balam,  
Diladang nak rang Koto Tuo,  
Indak elok dirantang panjang,  
Elok dikumpa nak nyo pendek,  
Ambiak sakiro kapaguno,

Tarantang tanun Puti Bungsu,  
Turak dibao urang kabalai,  
Ampun dimintak bakeh panghulu,  
Pidato baléh dek nan pandai.

## 2. PIDATO SIRIAH DARI SIALEK

Iyo kabalai kami cako,  
Tasabuang diayang biriang nan kulabu,  
Iyo talalai kami cako,  
Jalan bakekok tempat lalu.

Sarancak nangko lah ladangnyo.  
Jo apolah kakito tabeh,  
Barang tatabeh ditabehkan,  
Baranglah jalo dijalokan,  
Kanailah anak tali2.

Sarancak nangko lah datangnyo.  
Jo apolah kahambo baléh,  
Barang tabaléh dibalihkan,  
Barang nan ado diadokan,  
Kok indak kama ka-pai.

Badaga batang sitindiah,  
Sicuko didalam padi,  
Tadanga St manyiriah,  
Alang sukonyo dihati kami.

Ayam hitam pandai baranang,  
Kaki nan dapek dek buayo,  
Duduak lain niniak dinan tanang,  
Nak tagak hambo mambaleh pidato

Anak rang disimpang Gaduik,  
Singgah kepakan mambali rokok,  
Nak lalu ka Koto Tuo,  
Hatifah ganta2 takuik,  
Darah di dado ba-dabok2,  
Niniak mama2 manyuruak juo.

Pun ba-atoia hanyo lai :

Janjorak bungo janjori,  
Kambanglah bungo parautan,  
Siriah galak pinang manari,  
Anak rajo dikampuang Sutan.

Siriah si Alai nak rang Kamang siriahnyo udang tampak hari tampuak nan bagai kuku balam bungonyo jarang basuo, buahnyo elok katiruan batangnyo elok katinaman, gagang mang galuang dirumpunyo, harimau mangaum diureknyo, labah baduyun didaunyo. Daunyo intan jo podi, bapantang masiak dek panch bajanua kabiliak dalam. Satahun dalam pangguluang usah kaletak letai lai tido, usah kalayua batambah hiduik. Tampuaknyo baitu juo, raponyo batambah mudo. Iyo baitu siriah rang disiko.

Lorong pulo pado pinangayo, pinang dasun dibalah duo pinang nan dikida rumah, tingginyo jambu2an satahun tupai mang pinang biluluak dibalah ampek, pinang nan dibolak nan dibolai manjek, saladang hanyo nan jatuah. Garabak kabanda Cino, pinang tuo ka Banu Ruhum, siriah basusun pinang batani. tatak dalam carano.

Carano manyarano Reno Ali, kaduik ameh kadam aso2, kadam batutup Koto Tangah, rampuak bak bungo kacubuang, rimbun bak bungo kalikih gagun bak gagak kahinggok congkak bak tiang katabang lestiak bak alang bamain. Iyo bak nantun bana susun siriah rang disiko.

Lorong pulo pado gambianyo, gambianyo haluih caro Silayang, diabuih dangan pucuaknyo, pucuaknyo merah bukan alang2 Gaclang sansaro ditungguangnyo ba-apik bakempo pulo elok dimakan tengah malam, ganggang dikunyah sadang pahit. Sapahnyo jatuh kadalam siram, tingga dibibia hanyomerahnyo. Iyo bak nantun gambia rang disiko.

Lorong pulo pado sadahnyo, sadahnyo haluih bagai ambun satahun dipanggang Bugih samusim dibaka Cino, bakipeh jo ambai2 babasahi jo aia bungo baturap jo pati santan. Dipalik jo ujuang jari, bakisa kajari manyih. Dipalik jo jari manyih, mambayang katapak tangan. Sakadam sakati limo, diharagoi tidak diharagoi, antah satimbang jo lautan. Iyo bak nantun sadah rang disiko.

Lorong pulo pado santonyo, santonyo haluih bagai ambun ditanam ditanah Ruhum, pkirim Sutan dari Bantan. Capuknyo panau bidodari, disaik si Santi Alam nan mahampai si Santi Kayo. Saheto panjang jelainyo bajamua katangah padang, lam bok ba ambun tengah malam isok an anak rajo2 isok an Sutan jo Fagindo. Sajangka dilolak api usah kaluak lambang lai tido esok mandulang kaudaro. Diharagoi tidak diharagoi, antah tok satimbang jo nagari. Iyo bak nantun santo rang disiko.

Rak kato rembang lah kato.

Larak kato dipandangi.

Elok kato disimpani.

Apolah kapanyimpani :

Rang Padang mahanyi banang.

Dihanyi mako dilipek,

Dilipek lalu dipatigo.

Indak pandai marantang panjang.

Elok dikumpa nak nyo singkek.

Ambiak sakiro kapaguno.

### 3. PIDATO BALEGA (1)

Anau ketek anau dilurah,  
Diambuak diumbi jangan,  
Hambo mudo tagak manyambah,  
Diupek dipuji jangan.

Ayam itam pandai baranang,  
Kaki nan dapok dibuayo,  
Duduk lah niniak dinan tanang,  
Nak tagak hambo bapidato.

Aka banamo aka cambai,  
Cindai diambiak kabasahan,  
Bukan toh hambo cadiak pandai,  
Adat pidato disambahkan.

Balaia kapa kanagari,  
Balaia sampai kalautan,  
Rajo manandang bahadapan,  
Heranlah Puti dek mancaliak,  
Hambo mancurai mamaparkan,  
Jadi pitaruah dek nan tuo,  
Jadi pitaruah dek nan cadiak.

Apolah nan jadi pitaruah dek nan tuo, pitua dek nan cadiak  
tatkalo nagari kadihunyi dibuek kato parbuatan. Apolah nan  
jadi kato parbuatan, picak samo kaditapiak bulek samo kadigiang.  
Lah bulek kato parbuatan, bulek lah buliah digolekkan  
picaklah buliah dilayangkan, sa-itiak sa-ayam, sa-anak sa-  
manakan, anak satu kamanakan surang. Kampuang lah baempok  
nagari lah babanja. Apokoh tando dalam kampuang rumah tangg-  
go, sawah dangan ladang, kampuang jo halaman. Apokoh tando  
dalam nagari, badiri balai jo musajid. Jifok balainyo dibagari  
iyolah kaduduakan urang nan ampek jinih memegang jabatan  
masiang<sup>2</sup>. Aratinyo urang nan ampek jinih, manuruik pinda-  
patan kito sajo iyolah Imam dangan Khatib, sarato manti hula-  
balang iyo panghulu dalam nagari.

Jikok Imam dangan Khatib, malami rintang dangan kitab  
siang rintang bapitua.

Opun manti dinagari, haluih aka laurik bicaro tahu dipundak kabasahua tahu diranting kamalantiang tantu didahan kamancamuak tahu dibatang kamalintang.

Mambuhua tidak mambuku, mauleh tidak mangasan, diatok langik jo bicaro bumi nan tidak katirisan, pisau ketek haluih mato pangabuang batang malintang.

Jikok dubalang dinagari, namuah basusah jo bapayah, tahu diparik-nan lah tahampa ranjau nan lah lapuak, namuah batu-huak jo baparang namuah ba-kuah<sup>2</sup> darah malam basalumuik ambun siang basalendang paneh, tak kurang sinjato tajam.

Ahan sapik dangan guntieng tahan gurindam garagaji, nan kareh ditakiaknyo nan jauh nan kadijapuk. Jikok tak basuo nan bak kian bapantang babaliak pulang, manungkuik inyo kabumi manangadah inyo kalangik, badan nan tangkeh dari kilek arehlah pulo dari basi, sirah mato digalanggar, tabusuang dabo dinan rami namun bana barasak indak, takuik diadat nan karusak takuik agamo tak kan kokoh, susah parentah tak kamaju, banang sahalai bapilin tigo cinto kapado tanah air.

Adopun panghulu dinagari, pusek jalo pumpunan tali, balaila manantang pulau bajalan manantang bateh bakato manuju bana. Ameh batuah tahan uji, bungka ganok tahan cubo, naraco pantang bapaliang

Payakumbuah baladang kunyik,  
Dikida jalan ka Kuantan,  
Tak namuah kuniang dek kunyik,  
Tak namuah lamak dek santan,  
Mamacik kato nan bana.

Tasilojoh jajak manurun,  
Tatukiak jajak mandaki,  
Adat jo syarak kok tasusun,  
Rakyat sanaang padi manjadi.

Manguak joro pingganyo jorong,  
Sabuah barisi nasi,  
Sambah hambo jikok tasorong,  
Niniak jo mamak mambaiki.

Kalalawa dipulau Rimbang,  
Anak ruso mati tadabiah,  
Kalau salah buliah ditimang,  
Badoso ampun nan labiah.

Tau lah hambo mandatangkan sambah.

#### 4. PIDATO BALEGA (2)

Sarancak nangko malah ladang,  
Jo apolah kahambo tabeh,  
Barang tatabeh ditabehkan,  
Kanailah anak tali2,  
Sarancak nangko nan kdatang,  
Jo apolah kahambo baleh,  
Barang tabaleh dibolehkan,  
Kok indak kama kapa!

Antah sapek antah palito,  
Ramo2 didalam gantang,  
Antah depek antah moh tido,  
Lah lamo kaji tak baulang.

Tambiliang dibaliak lansck,  
Tasisiak dilembai-jambai,  
Dibiliang sado nan dapek,  
Nan tingga untuak nan pandai.

Kasilajo birau aci,  
Syindai diambiak kabasahan,  
Kito lah Merdeka maso kini,  
Patuik pidato disambahkan.



Adokalonyo sambah Malayu, adokalonyo sambah rakyat, sambah tagaja saidina Alam, walma'aji wal ma'ajam, diateh balai balerong panjang salingka jorong salingka korong ateh rumpuik si cambaiani, umpamo sitawa jo sidangin umpamo cikarau dalam nagari umpamo gombak ateh kapako.

Kayu gadang ditangah padang ureknyo tempat basele, batangnyo tempat basanda rantiangnyo malilik Minangkabau. Rimbun daun tempat balinduang kapanasan bakeh bataduah kahujanan, tempat panghulu main alur tempat tuangku main kitab, tempat pandeka main padang bakeh nan mudo basanda gurau. Bunyi galak ba-darai2, bunyi pantun ba-buah2 rakhmat turun kadunia

Padi lah badarang masak pipik lah ba-bondong2, rang kumpuang saiyo sakato, nan bujang ba-tolan2 nan gadih ba-duyun2, rang sumando dibao pulang.

Khatib duduak dimaherab,  
Kaki tajuntai kaduonyo,  
Batamu dunia jo akhirat,  
Samo dipakai kaduonyo.

Barabah lalu balam mandi,  
Hinggoknyo dikayu sungkai,  
Sambah lalu salam kumbali,  
Kumbali bakeli nan pandai.

## 5. PIDATO PANJANG

Tan ameh duduak di Langkat,  
Pandai manggaleh baniago,  
Utang ameh dibaia lansai,  
Utang lansai disiko.

Tambilang dibaliak lansek,  
Tasisik di lambai2,  
Dibilang sado nan dapek,  
Nan tingga untuak nan pandai.

Apo badakak dipalano,  
Parmato jatuah ka lambai.  
Duduak lai hambo batanyo,  
Tagak hambo mambilang sambah.

Mako diparsambahkan lah bagitu banyak tabiak saidi saidan dibawah karibaan Sari Panduko yang amat mulia, panghulu hambo nan tigo batua.. Suatu parsilaan yang mamacikkan kungsi alur Bunia, kacaradiak kacuali bijaksano, kusuik ranyah dalam nagari. Saparinggoan awan sakarapiak turun sahinggo rumpuik cambaini naiak salilik gunuang Marapi salingka gunuang Singgalang sahinggo gunuang Pasaman salauik salembang kajai salareh Batang Bangkaweh, gunuang Talang jo gunuang Sago dalam alam Minangkabau. Salingka bandua ditapi salirik tunggak ditengah sado nan ditandai lantai sado nan disungkuik atok bakeh hambo mangantarkan sambah,

Mancampak pulo kakualo,  
Kanaiah anak bada balang,  
Apo nan cupak dek nan mudo,  
Tahu pamenan undang-undang.

Di-radang2 mamasok,  
Di-kirai2 kabanda,  
Tatangguak ikan hulango.  
Di-bilang2 diatok,  
Di-curai2 dipapa,  
Dianjuang sitambo lamo.

Sabarib tiado hitang satitiak tiado lipua, dek sangat himat iniak bartiap, jahik bajahik dikasuanyo tilam batilam dibautanyo, jikalau hilang pado raiknyo, dicaliak pado usuanyo.

Siturak namo bilalang,  
Rang garih pandai baniago,  
Alah bacupak alah bagantang,  
Alah baradat bapusako.

Kama lah jalan kabaliak,  
Karumah rajo di Ruhum,  
Pulai bapangkek naiak,  
Manusia bapangkek turun.

Pulai nan bapangkek naiak, maninggakan rueh jo buku manusia bapangkek turun maninggakan cupak jo pusako. Pu sako talatak bapakai baju tasanguik kabasaruangan. basa ruangan dek Datuak ini. Basarawa pidandang Aceh, baukia bapucuaq rabuang, siha batanti kaduonyo, buatan Bugih jo Makasar, pakaian anak Minangkabau.

Babaju biludu sitin tatahua bintang didado, parmato banyak nan lalok intan jo podi bagendengan, taka nak deta nar gadang deta nan caro Bangkulu, kabek sailik buhua sintak labiah saharek buhua mati. Maratuih camin dipinggang, tak buhiah dipandangnyato kalau dipandang digagapnyo, tuo tasada dimudonyo mudo malarat ka akhianyoy.

Bacawek salilik pinggang,  
Si sampiang sibugih lamo,  
Mahia diadat lanca diundang,  
Pasa jalan ka agamo.

Badaga batang sitindiah,  
Sicuko didalam padi,  
Tadanga Tuan manyiriah,  
Alangkah sukonyo hati kami.

Siriah si alai nak rang Kamang, sirihnyo udang tampak hari, tampaak nan bagai kuku balam buahnyo intan jo pod bungonyo larang basuo, satahun dalam pangguluang usah ka layua batambah hiduik, usah kaletak letai lai tido, makanan anak rajo2, makanan anak Sutan2, pamenan niniak dangau

mamak, baitu siriah rang disiko.

Lorong kapado pinangnyo, pinang sibulek nak rang Kox  
Tinggi pinang biluluak dibalah ampek pinang dasun dibalah  
duo, tingginyo jambo2an pucuaknyo cewang kalangik ureknyo  
paguah kabumi, satahun tupai mamanjek samusim salodang ja-  
lah kabawah ambun, banamo si Ambun Suri, ditanam dirusuak  
rumah, itulah pinang rang disiko.

Gambjanyo caro Silayang, diabuih dangan pucuaknyo  
buatan puti Sarilamak, pamenan luhak nan tigo

Lorong kapado kapuanyo, kapuanyo aluih bagai ambun  
dikipelh jo ambai2 dirameh jo pati santan, buatan Maninjau  
Sungai Batang. Sapalik sakati limo diharagoi tidak diharagoi  
antah kok satimbang jo nagari. Dipalik jo ujuang tunjuak ba-  
kisa kajari manih mambayang katapak tangan nampaklah rono  
punyo rumah, baitu kapua rang disiko.

Mancapak tibo kalantai,  
Kanailah udang disubarang,  
Apo nan cupak dek cadiaik pandai,  
Tahu dikato undang2.

Janjorak bungo janjori,  
Kambanglah bungo parautan,  
Siriah galak pinang manari,  
Anak rajo dikampuang tuan.

Pulau Makah pulau Malako,  
Kaduo jo pulau Jambi,  
Urang baradat bapusako,  
Masuak sumando rumah ini.

Bukan ka Sasak ka Salayo,  
Kasasak lado clok pulo,  
Sialah urang ka samando,  
Bukan samando-mando sajo.

Samando kaganti niniak dangan mamak, pamanggak ru-  
mah nan gadang pahunyi anjuang nan tinggi panyolo Lareh

nan datang, pananti alek nan tibo, kalawan-lawan puti deduak.  
Urang elok salendang dunia, rang kayo suko dimakan, adat ba-  
diri liok maso.

Badeta hitam bakatak,  
Bacawek salilik pinggang,  
Nan lai tempat mamintak,  
Nen kayo tempat batinggang.

Dalam pariknyo Batuhampa, dibari basadah linggam,  
kampuangnyo indah katinggian bagaduang bakoto kaciak pu-  
diang ameh paga didalam pudiang genti paga dilua, anjiluang ba-  
batang2, rumpuik cambalani kiri kanan halaman carano baso  
kasiak nan bulek tak digiliang jarum tatabua tidak hilang, usah  
kahilang ba-gando2. Lumbuangnyo tujuh sajarah, sabuah  
sitinjau lauk, sabuah sitanguang lapa makanan anak dagang  
lalu, dijilila si-bajau2 dimudiak garut nan gadang, kapuak ga-  
dang salo manyalo kapuak ketek salek manyalek. Adolah kolam  
dibawahnyo, lumuik tido lintahpun tido sapek ameh sajo bala-  
yangan, patuik samando mandi disinan.

Tasilojoh jajak manurun,  
Tatukiak jajak mandaki,  
Adat jo sarak kok tасusun,  
Rakyat sanang padi manjadi.

Kacirapek kacirapuak,  
Elok tanun diganjiakan,  
Hambo tagak panghulu duduak,  
Eloklahi undang disambiakan.

Mancampak tibo dihulu,  
Kanailah undang disubarang,  
Apo nan cupak dek panghulu,  
Tahu makna undang-undang.

Mancampak tibo kamanduang,  
Kanailah anak bagubalo,  
Apo nan cupak dek Bundo Kamduang,  
Tahu dialat rumah tanggo.

Mancampak tibo kalantah,  
Kanaillah amang labang,  
Apo nan pakaian pamarintah,  
Tahu dilukom undang-undang.

Barakik laju kahulu,  
Baolah papan nan sabilah,  
Basakik jadi panghulu,  
Panghulu khalifah Rasulullah,

Atolahi urang karimbo,  
Manabang campia nan dilurah,  
Rabalnyo ka Koto Tuo,  
Iyolah adat urang disiko,  
Simpai tidak nan baransua,  
Buhua tidak nan barubah,  
Sampai kini baitu juo.

Rumah gadang silangko gadiang, salajang kudo balari.  
batahun budak mamakiak, samusim lintako makan. Barapokoh  
panjangnyo rumah, ampek puluah dapo anyaman, dari suduik  
bandak kajerong, dari jerong kahaluan. Parannyo siula gerang,  
banduanyo saf mangulapai, awek2 kumbang bataduah dampa2  
siula pucuak, mamutiah simah ciek2, pakirim Sutan dari Bantan  
buatan anak Linggo Cino, sumarak rumah nan gadang, dalam  
alam Minangkabau. Tuturan karo bajuntai, susun saga silabah  
hingkok, singoknyo rabuang mambacuik tarawang pancang  
mantari, calekak padang basintak lantainyo loyang bakarang,  
buatan Sarik Sungai Puar dilereng gunung Marapi, janjangnyo  
perak baelo, buatan Sianok Koto Gadang, iyolah Guguk Tabe  
Sarojo dalam nagari tanah Agam. Batu tapak-an intan tapong  
rok, cibuknyo kanso balariak pananjua tambago mantah.

Siapolah nan punyo rumah, puti banamo puti Duanggo.  
urang jauhari bijaksano, bungo satangkai dihalaman tak namuah  
luyua dek puneh tak namuah layak dek ambun, tahu dihereng  
dangan gendeng, tahu dibayang kato sampai, nan tuo tempat  
batanyo, nan pandai tempat baguru tahu ditanun mato karok

Tahu dipakan rabah tagak, tahu dijarang dangan rapek pandai ma'ukih maharawang. Didabiah parpati mandua duo baleh macam juadah satengah babungo malur harum satarun pala jaran, kuah ma'ilik gunuang Ledang, satitiak jatuah kanasi sapiriang nan basah, sadikit ado tamakan samusim ado kanyang-nyo, satitiak ado taminum samusim ado sajuaknyo. Batanak ditungku duo disulo jo puntuang rokok, galagak bak muko ban da. Inyo nan pandai basanduak keboh ditapi samuik bapiriang ditengah awan bajampu, tabalintang ciek2 manjadi tuah pandapatan. Garijau bak mancik rumah, dinan sampik inyo balari diusa lapang inyo basulambek, mamacak dipantangkannyo, bapitu puti rang dahulu. Ba-apoh pulo puti rang kini, pulang mak lum bakeh nan rapek.

Durian di Sawah Lunto,  
Ureknyo sampai ka Talawi,  
Manolah kito anak mudo,  
Hapa2 malah tambo, nak tahu adat nan kawi.

Mancampak tibo kadama,  
Kanailah udang disubarang,  
Apokoh cupak dek alim ulama,  
Mangatahui ayat undang-undang.

Sikaduduak di Sungai Tanang,  
Kaduo jo Koto Lamo,  
Katigo jo Padang Luar,  
Duluak niniak dinan tanang,  
Nak tagak kami bapidato,  
Pidato lamo ka kaluar.

Kain sadun lambaknyo sadun, pandukuang anak maulana samaso balun baralun balun balauik nan bak kini lauik sala weh daun marunggai bumi salaweh tapak kudo gunuang sagedang talua itiak. Langik basintak naiak bumi basintak turun, masonyo Allah manguntuangkan, mako tadirilah nagari nan limo

Manolah nagari nan limo, yakni, kasatu Makah kaduo

Madinah, katigo pulau Markadas ka ampek pulau Sumatera, kalimo ranah Minangkabau. Itulah mangko dibali madat jo timbago diliek adat jo pusako dipapah dibao turun diharap jo sakin tajam, datu Makah ka Banua Ruhum dari Ruhum ka Ajam kapulau ameh nangko, manurun katanah Datar ka Tankek Padang Langgundi ka Patipuah Pariangan Padang Panjang. Siapolah mariang Padang Panjang ayolah Tumungguang jo Parpatih nan Sabatang. Siapolah pamuncak urang maso lai nantun ayolah Datuak Tantejo Dirajo sari mambang katilambungan, indah banat tabirumbun tampak hampia tacelek tampak jauh nan bagombak merah nan bajanguik putih. Tembak dibari ba alamat kato dibari bakiasan. kilek baliyuang kakaki kilek samin kamuko kilek kasai masuk afa kilek kato masuk hati apokoh itu musim kini, pulang maklum pado nan rapek.

Siapolah puti rang maso lai nantun, puti banamo puti Jambo hati, kaduo puti Salohati, manyauak afa diragan bataramasiang saheto, tingkuluak bajumbai alai.

Payakumbuah baladang kunyik,  
Kakida jalan ka Kuantan,  
Tak namuah kuniang dek kunyik,  
Tak namuah lamak dek santan.

Antaro Paserek jo Pasekong, antaro Palembang dangar Jambi naumah guntiang Batawi hinggo durian ditakuak rajo sahinggo riak nan badabua. Sialang balantak nasi hinggo Sipisau pisau hanyuik, hinggo buayo putih daguak sangau Bukik sigaluntang, pasak silajau baramban bumi.

Manguak jorong pinggannyo jorong,  
Sabuah barisi nasi,  
Sambah hambo jikok tasorong,  
Niniak jo mamak nan ka mambaiki.

Kalalawa di Pulau Rimbang,  
Anak rusu mati tadabiah,  
Kalau gawa buliah ditimbang,  
Badoso ampun nan labiah.



Ruso barandam dalam tabek,  
Kakinyo digigik lintah,  
Kato nan ampek kok tak dapek,  
Alangkoh sakiknyo mamarintah.

Tan lah hambo mandatangkan sambah,

Rak kato rembanglah kato,  
Eloklah kato disimpani.

Rang Padang mahanyi banang,  
Dikumpa mangko dilipek,  
Dilipek lalu dipatigo.  
Jikok dirantang namuah panjang,  
Elok dikumpa nak nyo singkek,  
Ambiak sakadar kapaguna.

Badia si Japun Bangkahulu,  
Panembak ondan dikualo,  
Ampun dimintak bakeh panghulu,  
Pidato baleh dek juaro.



## BAB IV. PANTUN PIDATO/PERSEMBAHAN

### L. UNDAING PENITAHAN SIRIH

- Sialek : Dilauik ombak badabua,  
Alun jo riak manyampaikan,  
Bapesong angia kiri kanan,  
Ikan dilauik lah marupo,  
Mambahayang mangkuto Reno Aii  
Niniak jo mamak sadang batutua,  
Dek urang nan tidak kadangaran,  
Antah tasauak dilimbago,  
Antah taracak dalam undang,  
Mintak diulang buah panitahan,  
Nak tantu tando ujudnyo,  
Undang nan rapek kapambari, St.
- Sipaangka : Sampai St ?  
Kok itu iyo tu St. dilambak pulo nan bak kina,  
ditingkah pulo bak pamatang ditingkah sapatah  
undang St. Tingkahnyo pulo dari hamba :  
Tlmua nan duo jo Salatan,  
Sapiah balahan tigo jurai,  
Sajurai ka Banu Ruhum,  
Sajurai kapulau perak,  
Antaro Tiku jo Paxiaman,  
Kalau baitu tanyo Sutan,  
Tarang lah buliah dikatokan,  
Nyato lah lahia dek rang banyak,  
Kok indak diulang buah panitahan,  
Jawabnyo sajo diadokan, St.
- Sialek : Malatuih rangkiang dihalaman,  
Nan ketek eca barbeca,  
Intan jo padi manjaremek,  
Indah sakali moh rponyo,  
Pucuak jo arsi panyudahi.

Kalau baitu kato Sutan,  
Undang nan tuo lah didanga,  
Adat labuah diulang pasa,  
Adat kato diulang sunat,  
Adat baitu dahulunyo,  
Mintak diulang buah panitahan, St.

Sipangka : Satu Budi Caniago,  
Kaduo lareh Koto Pili,  
Batu batikam tempat badiri,  
Tempat mangaji adat jo pusako,  
Kalau baitu kato Sutan,  
Dek lamo banyak nan lupo,  
Dek lambek banyak nan ragu,  
Kok indak diulang buah panitahan,  
Jawabnyo sajo diadokan St.

Sialek : Baju digunting St Said,  
Siba batanti kaduonyo,  
Ragi baturab suto putih,  
Pakaian anak Rajo Basa,  
Kalau baitu kato Sutan,  
Sutan manyambah dinan raik,  
Hilanglah aka sakutiko,  
Sungguahpun raik sambah Sutan,  
Kalam dimintak tarang buliah,  
Mintak diulang juo buah panitahan,  
Nak tantu tando ujudnyo,  
Undang nan dapek kapambari. St.

Sipangka : Maurah tambo rajo Bantam,  
Tasuo ameh camin dilariak,  
Jadi tabukak hati pangana,  
Dapeklah tambo ka ibarat,  
Batamu rajo banyak undang,  
Kalau baitu kato Sutan,  
Bakato lanteh kabakain cabiak,  
Kok angguah anggak mangana,  
Diateh kato samupakat,  
Kok indak diulang buah panitahan,  
Jawabnyo juo hambo adokan, St.

Sialek : Badeta batiak barendo,  
Babaju guntieng Pitalah,  
Siba baturab jo coklat,  
Buatan Jao jo Patani.  
Diikek lalu disaruangkan,  
Sabanyak kato Sutan cako,  
Kato nan balun dipaiyo dipatidokan,  
Kapado sipokok sipangkalan.  
Kok bajalan nak babateh,  
Kok balaia nak bapulau,  
Kok bakato nak basudah,  
Baolah kato jo mupakat,  
Kapado baliua nan hadia duduak  
Jangan maragu hati juo, St.

Sipangka : Kok itu, iyo tu Sutan. Iyo pulo malah kironyo.  
Binjai banamo tanah langkat,  
Kudo bararak nak ka Medan,  
Kato kadibao jo mupakat,  
Tagak mananti malah Sutan.

**Lalu dibawalah kata mupakat.**

Sipangka : Ditarok kain hirun manyih,  
Dibao Sutan mudiak Padang,  
Batamu muluik samo manyih,  
Lai moh kato kabaulang.

Ulangnyo pulo dari hambo :

Karimbo manjarek bakiak,  
Kanailah buruang balang tigo,  
Masuakkan kasangka ameh,  
Pamenan puti pulang mandi.  
Dan lagi pintak hambo,  
Kapado niniak dangan mamak,  
Sarato dunsanak saudara,  
Siriah mintak dicabiak,  
Pinang mintak digatok.

Itu nan pintak sipangkalan,  
Supayo nak sanang hati kami, Sutan.

**Sialek** : Rajo Amat rajo nah saleh,  
Juduan puti lunak lombok,  
Anjuang batiak aso-aso,  
Sabab dek puti dilautan.  
Kalau baitu pintak Sutan,  
Jikok siriah kadicabiak,  
Jikok pinang kadigatok,  
Samo sato Sutan juaro.  
Nak samo sanang paratian, Sutan.  
Selanjutnya lihat pantun sirih !!!

## 2. PANTUN SIRIH

- Sipangka** : 1. Rajo Amat Pandeka Kaling,  
Rakanan si Rajo nando,  
Balahan Sutan di Mangkasar,  
Sahabat Sutan dari Deli,  
Alamat siriah ka bagunting,  
Hambo ma-antarkan carano tibo,  
Lai barisi nan ta-antar,  
Nak mintak Sutan parenai.
- Sialek** : 2. Buruang nan sikua dalam parak,  
Sayok bacampua jo kulabu,  
Taraok karusuak rumah,  
Siriah jo pinang balun tampak,  
Carano ba-apo kakaonyo, Sutan.  
Sadah jo gambia balun tantu.  
Ba-apo jano kami kamangunyah, St.
- Sipangka** : 3. Tabanglah buruang kaparateh,  
Dipikek rajo dari hulu,  
Pamenan puti di Sipinang,  
Sahabat Sutan dari Deli.

- Carano kami nan kateh,  
Bukakkan malah dahulu,  
Lai barisi, sadah jo pinang.  
Nak mintak Sutan parenai.
- Sialek : 4. Talayang kapa dari Aceh,  
Batingkap bamega-mego,  
Ukia baturap jo dulamak,  
Itulah kapa rajo Deli.  
Carano Sutan nan kateh,  
Bialah talatak sajo,  
Dihadapan niniak jo mamak,  
Baiko kami parenai, Sutan.
- Sipangka : 5. Sambilan buruang dalam naneh,  
Manolah buruang sigareja,  
Saikua buruang putiah kapalo,  
Puti malihek balun tampak.  
Carano kami nan kateh,  
Bukakkan malah dahulu,  
Nak tampak dek niniak dangan mama!
- Sialek : 6. Batiup angin dari Tenggara,  
Sadang si Lela main silek,  
Main dansa batapuak tangan,  
Puti malihék jatuaH pinsan.  
Carano ta-antar dek sipangka  
Batutuik lagi bakabek,  
Bialah talatak sajo,  
Untuk pamenan hati jo mato,  
Alah kasanang hati Sutan.
- Sipangka : 7. Landailah karambia tuan,  
Dalimo rangkah buahnyo,  
Pipia lah gambia dek Sutan,  
Lah lambok dalam carano.
- Sialek : 8. Lah hilia kureta Solok,  
Manuruik darisi banyak,  
Tibo sakali dijambatan.

- Jikok carano kami singkok,  
Urang balimo badunsanak,  
Alahkoh hasia sadonyo, Sutan.
- Sipangka : 9. Ramilah pasa kampuang Cino.  
Disimpang jalan ka Panganak,  
Tampat urang manjua pisau,  
Pisau dibali rajo Cino.  
Kok itu dek Sutan nan jadi buah tanyo.  
Urang balimo badunsanak.  
Siapolah tak namuah pai,  
Jikok takurang jo timbakau,  
Timbakau kan lai Sutan bao.
- Sialek : 10. Anak rang Koto Tiagan,  
Nak lalu ka Koto Tuo.  
Dialiahkan pulo partanyoan,  
Dimano asalnyo siriah nangko, Sutan.
- Sipangka : 11. Taganang aia dikubangan  
Hanyuik cikarau mudo-mudo,  
Sutan mamintak katarangan,  
Karakok asa mulonyo.
- Sialek : 12. Bidodari mamasang kudo,  
Mahadok kapanurunan,  
Urang banyak akan mamandang,  
Biopari Sutan juaro,  
Dialiah pulo partanyoan,  
Barapo halai siriah sagagang Sutan ?
- Sipangka : 13. Takilek kapa dilautan,  
Lah hilia kamudiak Padang,  
Rajo mamandang dari balai,  
Mambao barang nan gaib,  
Tagak bandera nak baparaug.  
Jikok itu Sutan tanyokan,  
Kok pai Sutan mambilang,  
Bilang bintang ateh langik,  
Paparkan kasiak dipantai,  
Sakitu siriah sagagang, Sutan.

- Sialek : 14. Ramilah pasa Bateh Aka,  
Tampat urang bajua bali pinggan  
Rami manjalang pukua tigo.  
Sutan tabilang lanjuik aka,  
Dialiah pulo partanyoan,  
Dimano asa pinang mudo Sutan ?
- Sipangka : 15. Padang Sarai ikannyo banyak,  
Ikan nan datang dimuaro,  
Arai batungkuih jo kalupak,  
Disinan asa pinang mudo, Sutan.
- Sialek : 16. Tampaklah kapa dilautan,  
Nakodoh tagak dimuaro,  
Dialiah pulo partanyoan,  
Apo tandonyo pinang mudo Sutan ?
- Sipangka : 17. Badantam badia dari bukie,  
Mandarum sampai kamuaro,  
Badaga lalu kalautan.  
Harum manyih rupo nyo kulik,  
Itu tandonyo pinang mudo,  
Alun kasanang hati Sutan.
- Sialek : 18. Tarantang kawek dari pasa,  
Dikida jalan ka Sapiran,  
Masuak kagaduang sikatari.  
Sutan tabilang lauik aka,  
Dialiah pulo partanyoan,  
Dimano asa sadah pensi Sutan ?
- Sipangka : 19. Ramilah pasa Bukittinggi,  
Tiok jorong bajanjang batu,  
Taruih sakali masuak pakan.  
Kononlah asa sadah pensi,  
Didanau dilauik Sumpu,  
Disinan asa sadah pensi.  
Alah kasanang hati Sutan.
- Sialek : 20. Maningkok lalu manampan,  
Sianjuang dijuang rumah,  
Batingkap bamego-mego.



Kok siriah nan kami kunyah,  
Kok pinang kan kami gatok,  
Dimano asa gambia nangko Sutan ?

Sipangka : 21. Tampaklah kapa dilautan,  
Takambang lahia tiang tujuh,  
Lakeklah kunci tujuh pasak,  
Nakodoh tagak dimuaro.  
Jikok itu Sutan tanyokan.  
Didalam luhak Limo Puluah,  
Ado nagari Sarilamak,  
Disinanlah asa gambia nangko.

Sialek : 22. Rang darek mamancang kabun,  
Tumbuhan dikida rumah Japan,  
Bungo nan tidak kambang lai,  
Tampak nan dari Balai Tengah,  
Jaleh nan dari Koto Tuo,  
Bakabek lagi basusun,  
Batutuik dalam carano,  
Ta-antar ka-tengah2,  
Kahadapan niniak jo mamak,  
Apo bana kasalahannyo Sutan ?

Sipangka : 23. Rang darek mamancang kabun,  
Tumbuhan dihadapan rumah Japan,  
Bungo nan tdak kambang lai  
Tampak nan dari Koto Tuo,  
Disimpang jalan ka Mandahiliang  
Tibo sakali dimuaro,  
Bakabek iyo basusun,  
Batutuik dalam carano,  
Ta-antar katengah rapek,  
Kahadapan niniak jo mamak,  
Gadang bana kasalahannyo,  
Pinang mudo dapek cilako,  
Tampuak tangga badan ba-  
balah .  
Sabab dek siriah nangko juo  
Sutan.

- Sialek : 24. Kudo nak rang di Kuran-kuran,  
Tolong dek Sutan manyasokkan,  
Manangih sadah dikapuran,  
Tolong dek Sutan ma-antokkan
- Sipangka : 25. Pitih sapitih dalam peti.  
Diambiak pambali pasak,  
Labiahnyo pambali paku.  
Iyolah ranyah sadah pensi,  
Awak dihadapan niniak jo mamak,  
Ba-apo saranyah nangko bana,  
Suruah kalauik lah dahulu.
- Sialek : 26. Kapa siapa dilautan  
Tiang bapaluik suto hijau,  
Nakodoh tagak dimuaro,  
Kok siriah kakami cabiak,  
Kami manaruah kakurangan,  
Pinjami ba-apo kami pisau,  
Untuk pambalah pinang mudo.
- Sipangka : 27. Anak itiak sikumbang itiak,  
Kaduo sikumbang hijau,  
Makanlah pinang bagigik,  
Indak dapek manyalang pisau.
- Sialek : 28. Anak rang di Sawah Tengah,  
Nak lalu ka Kura.i Taji,  
Kok siriah kan kami kunyah,  
Cakua dimano pahaumi, Sutan.
- Sipangka : 29. Air Tirih kualo Padang,  
Labuhan biduak rang ka haji,  
Habih manyih sampah dibuang,  
Apo gunonyo cakua lai.
- Sialek : 30. Biduak ameh sampannyo ameh,  
Urang sampono kaduonyo,  
Siriah habih pinanglah kameh,  
Carano ba-apo kakaonyo, Sutan.

Sipangka: 31. Siupiak sidayang ameh,  
Anak rang darek lauik Cino,  
Siriah habih pinanglah kameh,  
Carano babaliak pado nan punyo.

### 3. PANTUN MINUM MAKAN (Mamparenai Jamba)

Sialek : 1. Talayang kapa dari Aceh,  
Batingkap bamego-mego,  
Ukia baturap jo dulamak,  
Itulah kapa rajo Deli.  
Hidangan Sutan nan katangah,  
Bialah talatak sajo,  
Dihadapan niniak dangan mamak,  
Baiko kami parenai, Sutan.

Sipangka : 2. Hanyuiklah bungo dari hulu,  
Bungo tampago jo karamak,  
Makanan punai jo barabah,  
Hinggok diateh gunuang Ledang,  
Tabang kutiko tampak bulan.  
Mamintak kami pado panghulu,  
Sarato niniak mamak kito,  
Dimuliakan dangan sambah,  
Santaplah jamba nan tahidang,  
Nak sanang hati sipangkalan, Sutan

Sialek : 3. Satu rajo tanah Batak,  
Kaduo rajo tanah Bantan,  
Iyolah rajo sadaulat,  
Pakai mangkuto kamuliaan,  
Bapaluik dangan aso-aso,  
Tatabua intan sijato-jati.  
Salam jo maaf nan dimintak,  
Jikok salorong pintak Sutan.  
Lah hambo bao kato jo mupakat.

Bukanlah hambo nan babaso,  
Niniak jo mamak nan batanguah,  
Usahlah Sutan duo hati.

- Sipangka : 4. Bungo tampuniak lalang padang,  
Buah satampan jo milukuik,  
Tumbuah ditengah balai rami,  
Daun diambiak rang kapakan,  
Banda tak tantu muaronyo.  
Hilang dilihek pamandangan,  
Dibaliak tanjuang rang Barulak,  
Sinan binao jo anaknyo,  
Tantangan taluak Sigumanti.  
Panitahan baikpun lah sadang,  
Jamba diatap pun lah cukuik,  
Kok tidak tarago Sutan santap,  
Jauh rasonyo hati kami,  
Jamba talatak jo hidangan,  
Disantap juolah handaknyo,  
Nak tando tampak putiah hati, Sutan.

- Sialek : 5. Balahia kapa nak ka Jirek,  
Masuak kualo banda Taluak,  
Kapa nan datang dari Judah,  
Baredar cando balun asok,  
Rajo baduo badunsanak,  
Sangat batuah kaduonyo,  
Dt. Tumanggung rang namokan,  
Iyo dikalam kamanyulah,  
Balaha mudiak ka Malako,  
Lalu ka Johor ka Patani.  
Janjang sudah kami tingkek,  
Bandua sudah kami tapuak,  
Siriah dicarano lah bakunyah,  
Daun jo santo lah baisok,  
Satantangan minum jo makan,  
Disabakan Sutan jo mupakat,  
Mamintak kami ba-samo2,

Dangan sungguah2 hati,  
Laikoh buliah nan baitu, Sutan.

Sipangka : 6. Dilapeh gurap ateh pelang,  
Sebarlah anak parapati,  
Nakodoh tagak ateh pelang.  
Pelang talanca tak takiro,  
Diam dilauik Amarullah,  
Manampuah lauik Kajarati,  
Dek jamba sudah tahidang,  
Diparenai mintak dangan mamak,  
Kironyo Sutan nan batanggua,  
Adokoh galap dalam hati,  
'Ajablah kami mamikiri.

Sialek : 7. Si Amat anak rang Puatan,  
Badeta batiak barikek,  
Nak lalu ka Indogiri.  
Kalau baitu kato Sutan,  
Batanyo hambo saketek,  
Dimano asa aia kopi Sutan ?

Sipangka : 8. Bantiang putiah mati tarambau,  
Mati dikelok parak pisang,  
Payahlah dotor malalahi,  
Sarato luhak Tanah Datar,  
Kalau baitu kato Sutan,  
Sipuluik manjadi katan,  
Daun kopi asa aia kawa  
Balun kasanang hati Sutan.

Sialek : 9. Cincin banamo aso-aso,  
Buatan tukang dari Matua,  
Satahun mangkonyo sudah,  
Tidak tatimbang haragonyo,  
Antah satimbang jo nagari.  
Biopari Sutan juaro,  
Aia taganang dalam sumua,  
Kinilah katangah rumah  
Ba-apo janyo Sutan ma-ambiaknyo.

- Sipangka : 10. Tabit barisuak bintang Timua,  
Tampak nan dari Indopuro,  
Aia taganang dalam sumua,  
Basauk kadalam cerek,  
Ba-antarkan katangah rumah,  
Baitu kami mambaonyo, Sut.,
- Sialek : 11. Panjahik patah ditakan,  
Ditakan si Rajo Ameh,  
Dibao nak rang Koto Tuo,  
Kalau kopi kan kami minum,  
Juadah kan kami makan,  
Cangkia basiriang aia ameh,  
Tampan taragu kami baru.
- Sipangka : 12. Anak rang di Koto Gadang,  
Nak lalu ka Banuhampu,  
Batungkek batang tibarau,  
Tidak usah Sutan tacangang,  
Minum sajo Sutan dahulu,  
Barisuak datang manyilau.
- Sialek : 13. Tampan sitekak kaditekan,  
Tampan ditekan Malin Ameh,  
Dibao nak rang Bukittinggi,  
Nasi basanduak balatakan,  
Piriang baukia aia ameh,  
Tampan taragu hati kami.
- Sipangka : 14. Tampan sitekak kaditekan,  
Tampan ditekan Malin Ameh,  
Dibao nak rang Koto Tuo,  
Nasi basanduak balatakan,  
Piriang baukia aia ameh,  
Piriang lah kabaitu juo, Sutan
- Sialek : 15. Tarantang kawek dari pasa,  
Dikida jalan ka Sapiran,  
Tibo sakali di Birugo,  
Sutan tabilang lanjtik aka,

- Dialiah pulo partanyoan,  
Dimano babali piriang nangko.
- Sipangka : 16. Bacincin ameh balah rotan,  
Pakaian rajo dari Jambi,  
Balahan rajo Duo Selo,  
Pakirim Sutan dilautan,  
Kok itu Sutan tanyokan,  
Ditoko di Bukittinggi,  
Disinan babali piring nangko,  
Alah kasanang hati Sutan.
- Sialek : 17. Kayu kamat jo kayu tubi,  
Tumbuhan disalo batang Rokan,  
Bungo disasok ramo-ramo,  
Buah digatok parapati,  
Ureknyo sampai kadalam lurah,  
Lalu manjala masuak guo,  
Daun nan bagai daun tabu,  
Mancahayo bagai akiak,  
Mancahayo lalu manarangi,  
Taranglah bukik gunuang batu.  
Asal lai Sutan manyukoi,  
Sananglah pulo hati kami.  
Alek lah duduak tengah rumah,  
Anak jo bapak lah batamu,  
Karib jo kabiah lah basuo,  
Labiah bak raso minum makan,  
Sabalah Sutan tantang itu.
- Sipangka : 18. Paranglah Japan jo Ruslan,  
Parang diateh gunuang Ledang,  
Langkok jo anak rajo Deli.  
Kalau baitu kato Sutan,  
Santaplah jamba nan tahidang,  
Nak sanang pulo hati kami.
- Sialek : 19. Ayam putiah rang Sungai Landia,  
Alah tabang ka Koto Tuo,  
Nasi putiah pinggan baukia,  
Siapolah basanduak cako.

- 'Sipangka : 20. Aur sarumpun dilautan,  
Ambiak sabatang ka-paleh2,  
Dibao nak rang Koto Tuo,  
Kalau itu Sutan tanyokan,  
Urang baumua tujuh baleh,  
Itulah nan basanduak cako.
- 'Sialek : 21. Tarantang kawek dari pasa,  
'Dikida jalan ka Sapiran,  
Tibo sakali di Birugo,  
Sutan tabilang lanjuik aka,  
Dialiah pulo partanyoan,  
Siapo maningkok rumah nangko, Sutan.
- 'Sipangka : 22. Kain suto namo kulindan,  
'Pakaian rajo Bangkahulu,  
'Buatan anak Koto Gadang,  
Batakat mangko bukia,  
Pakirim rajo Tigò Jangko.  
Kok itu Sutan tanyokan,  
Biopari tukang dahulu,  
Pandai manarah manilantang,  
Pandai marapek dalam aia,  
Itulah tukang rumah nangko,  
Alun kasanang hati Sutan.
- 'Sialek : 23. Kok iyo kami kapakan,  
Kapakan ka Tanjung Alam,  
Nak singgah ka Bukittinggi,  
Kok iyo kami kamakan,  
Katan bahimpik jo panyaram,  
Agak taragu hati kami.
- 'Sipangka : 24. Ramilah pasa Kotanopan,  
Rami dek anak Ampek Angkek,  
Mambali hiyu jo balanak,  
Nak lalu ka Koto Tuo,  
Nak singgah ka Koto Gadang.  
Kok itu Sutan tanyokan  
Tampaknyo Sutan basiasek,



- Urang baduo badunsanak,  
 Tak namuah dicari kaduonyo,  
 Santaplah jamba nan tahidang  
 Nak sanang hati sipangkalan, Sutan.
- Sialek : 25. Hilia barakik batang pinang,  
 Dikayuah biduak kadalam kabun,  
 Jamba lah sudah Sutan tatiang,  
 Duduak kamari malah minum, Sutan.
- Sipangka : 26. Merah candonyo lauik basa,  
 Kapa si Lutan dari hulu,  
 Banyaklah taluak tajalani,  
 Banyaklah pulau kalihatan.  
 Parmintaan pitunggua jo sipangka,  
 Minum sajo Sutan dahulu,  
 Alek kok datang dari jauh,  
 Siapa pulo mahidangkan, Sutan.
- Sialek : 27. Ramilah pasa Balai Gurun,  
 Rami dek kampuang Cino,  
 Sinanlah rumah tak baratap,  
 Tampak nan dari pandakian.  
 Tuan tagak kami kaminum,  
 Elok pareh salah candonyo,  
 Buruak rupo dipandang,  
 Elok samo kito santap,  
 Nak samo sanang paratian.
- Sipangka : 28. Takilek api dilautan,  
 Tampak dipulau Lompek Kijang,  
 Api lanterapun lah padam,  
 Masuak kataluak rang Patani.  
 Nan sialek sajolah nan makan,  
 Kok lai umua samo panjang,  
 Kudian kami kawani, Sutan.
- Sialek : 29. Ramilah pasa Bateh Aka,  
 Tempat urang bajua bali pinggan,  
 Rami manjalang pukua tigo,  
 Sutan tabilang lanjuik aka,

Dialiah pulo partanyoan,  
Dimano asanyo lampu nangko Sutan ?

Sipangka . 30. Batang taleh ditapi paga,  
Tumbuhan ditanah rang Malako,  
Urek manjelo kalautan.  
Kok itu Sutan tanyokan,  
Satu Aceh duo Jakarta,  
Pabrik nan datang dari Cino,  
Disinan asa lampu nangko, Sutan.

Sialek : 31 Mantilau namo buruang hutan,  
Gadang nan bagai balam Jambi,  
Angkuah sarupo layang-layang,  
Pamenan rajo di Malako  
Cucu tuangku Bangkahulu.  
Kalau baitu kato Sutan,  
Sananglah pulo hati kami,  
Sutan baragiahpun lah sayang.  
Lah turun jo hati suko,  
Bari maaf kami dahulu.

atau : Pucuak sijalin sijalinteh,  
Pucuak sijawi-jawi mudo  
Pandai bana Sutan maminteh,  
Hidangan nan kami santap juo.

#### 4. PANTUN MUPAKAT (GAWA)

Sipangka : 1. Lauik banamo Erak Gembang,  
Tumbuhlah pinang Indo Jati,  
Pucuak satu buahnyo satu,  
Tampuak jo arai panyudahi.  
Kalau baitu kato Sutan,  
Garak dimano nan kdatang,  
Rusio dimano nan katibo.

Katokan kato salah satu,  
Nak dapek undang kapambari.

Sialek : 2. Takilek kapa dilautan,  
Tibo sakali dimuaro,  
Kapa nan datang dari hulu,  
Pakirim rajo dari Langkat,  
Sahabat rajo dari Jambi.  
Kalau baitu kato Sutan,  
Bana disimpan dek nan tuo,  
Rasio dipegang niniak mamak  
Hambo tak dapek manyudahi,  
Kalau tak dibao jo mupakat,  
Jawab tak dapek kami bari,  
Pulang maklum pado Sutan.

Sipangka : 3. Jaguang gerai batampuak puan,  
Puan batampuak pinang kayu,  
Kayu menanguang katapian,  
Katungkek rajo balun sudah,  
Haraplah hambo dari Sutan,  
Kami digantuang jo bicaro.  
Disangko kato lai kaputuih,  
Mupakat pabilo mangko sudah St ?

Sulek : 4. Iyo pulau bapangkek naiak,  
Maninggakan rueh dangan buku,  
Itu papatah rajo Jawa  
Itu pitua rajo Langkat,  
Didalam daerah ipulut2,  
Didalam alam pulau ameh,  
Ampek tak buliah dilimokan,  
Kito duduak dalam adat,  
,Tak dapek dangan bagaluik,  
Habih rundingan jo nan tuo,  
Sabalah Sutan sakutiko.

Sipangka : 5. Kain banamo silang sari,  
Takambang tantang pintu kipeh,  
Kan banamo kanang-kanang.

Bapucuak rabuang bakarabang banang,  
Tapi bajumbai kaduonyo,  
Pakaian rajo dilautan,  
Alah moh adat dinagari,  
Elok pusako dinan tuo,  
Tapakai didalam undang-undang,  
Sabuang saparintah janang,  
Alek saparintah juaro,  
Pulang maklum pado Sutan.

Sialek : 6. Cincin batu parmato intan,  
Kaduo parmato asli,  
Pakaian rajo dari Solok  
Sahabat rajo tanah Deli,  
Manandang jalu kahalaman,  
Kalau baitu kato Sutan,  
Lapang tak buliah mintak janji,  
Sampik tak buliah mintak angok,  
Jawab tak dapek kami bari,  
Pulang maklum pado Sutan.

Sipangka : 7. Ampalu di Sawah Tengah,  
Sutan Iskandar ditimponyo,  
Kambangah bungo parautan,  
Koto dahulu lah basudah,  
Kato dimano nan katibo,  
Nak mintak Sutan tarangkala.

Sialek : 8. Ampalu di Sawah Tengah,  
Sabalah ka Limo Koto,  
Babuah babungo lahhandaknyo,  
Mupakat dahulu iyolahi sudah,  
Sakarang lah tibo pulo,  
Manaruna Sutan handaknyo.

Sipangka 9. Dirantak pukek dilautan,  
Kanai gawa kanai gulano,  
Kanailah anak bada balang,  
Ado nan panjang tigo heto,  
Ikan banamo ganjohata.

Makan barulang kajarami,  
Mamakan anak bada balang,  
Mandi batimbo kulik lokan,  
Kalau baitu kato Sutan,  
Kito nan duduak lai basamo,  
Niniak jo mamak hadok hadang,  
Usahlah Sutan ketek hati,  
Pintak kami samo tadanga,  
Tak guno mupakat Sutan ulang,  
Jawabnyo sajolah adokan, Sutan.

Sialek : 10. Rajo Jawa jo Langkat,  
Itulah urang babalahan,  
Cucuran dari banua Arab,  
Rajo musyahua dinagari.  
Sutan mambao jo mupakat,  
Kami mananti paralahan,  
Lakeh sugiro Sutan jawab,  
Kaba nan tarang Sutan bari.

Sipangka : 11. Pasa dibaliak gaduang ameh,  
Tatagak payuang sabatang putiah,  
Payuang angkatan dari rajo,  
Sutan kanduang usahlah cameh,  
Barapo pintak lai kabuliah,  
Putuih sabanta nangko juo.

Sialek : 12. Ramilah pasa Payakumbuah,  
Talago di Indo Jati,  
Induriang di Koto Kaciak,  
Basaok kain ba-ampuah,  
Lau dipakai anak rajo,  
Danga dek Sutan kaba sungguah  
Kaba baik kaba talalai  
Kaba katingga dari hambo,  
Kalau tak dibao jo mupakat  
Bisa ma-abuih taknyo kampuati.

Saparati mamanggung taknyo masak,  
Na'imat apo dari hambo, Sutan.

- Sipangka : 13. Binjai banamo tanah Langkat,  
Kudo bararak nak ka Medan,  
Kato ka Sutan bao jo mupakat,  
Barapo lamo kami manantikan Sutan ?
- Sialek : 14. Rang bayua bakabun sanam,  
Dikida jalan kamandaki,  
Ba-ambiak siriah ditanam,  
Sakian lamonyo janji ,Sutan.
- Sipangka : 15. Kapa Sirantiah nak ka Jambi,  
Balaia sampai kalautan,  
Sampai kataluak Indopuro,  
Kalau salambek nantun janji,  
Lambek siapolah manantikan,  
Kami mangana ragu pulo.
- Sialek : 16. Gadang pitulo di Simantuang,  
Urek nan sampai ka Sinama,  
Batang diambiak kasitindiah,  
Dibao nak rang Koto Tuo.  
Manolah pulo Sutan kanduang,  
Barapo pintak lai ka buliah  
Putuih sabanta nangko juo.
- Sipangka : 17. Deta palagai saluak timbo,  
Ragi ditengah kaluak paku.  
Pakaian anak rajo Langkat,  
Timbalan rajo Duo Selo.  
Tidak kabuliah pintak hambo,  
Pintak Sutan juo kabalaku,  
Baolah kato jo mupakat,  
Saba mananti malah hambo

5. PANTUN PERSILAAAN KATURUN

Sipangka : 1. Tanah Jawa tanah Palembang,  
Disangko pulau Karang Tigo,  
Lauik jo darek nan mambateh,  
Dihari nan sahari nangko,  
Niat jo kaula pun lah lapeh,  
Mukasuk sangajo dalam hati,  
Manahani sialek nak bamalam.

Sialek : 2. Bajimat bamaniak polam,  
Bacincin intan barlian,  
Pakaian anak rajo Langkat,  
Timbalan rajo Bangkahulu,  
Sutan manahani nak bamalam,  
Suko nikmat salamonyo,  
Kami nan balun samupakat,  
Lapeh sajo kami dahulu.

Sipangka : 3. Pinang jambak jambu pamalan,  
Dirantak tupai malapari,  
Makanan urek ungeh bamban,  
Banyak nan duo kali tujuh,  
Hitungan saratuih aso,  
Sutan manyabuk kabajalan,  
Lah iko laruiknyo hari,  
Kami ma-antar tek taleso,  
'Ajablah kami mamikiakan.

Sialek : 4. Manumpang cando bungo lipeh,  
Manutih cando bungo kasumbo,  
Tumbuhan diturah Tanah Data,  
Dikanan kumpang Sampur Kuduli,  
Pucuk digantiah Ramo-ramo,  
Sabuliah bali jo pinto,  
Kami sairiang lai basamo,  
Alah kasanang hati Sutau

- Sipangka : 5. Kain suto dari Pangkalan,  
Bajumbai lagi bajambua,  
Pakajau anak jo mintuo,  
Iyolah rajo dilautan,  
Sutan mamintak kabajalan,  
Hari kalam bulan kok kabua,  
Hari hujah labuah kok lanyali,  
Sio-sio kami malapeh,  
hamalam juo lah lahulu,
- Sialek : 6. Satu rajo tanah batak,  
Kaduo rajo tanah Bantan,  
Itulah rajo sadaulat,  
Mamakai mangkuto kamuliaan,  
Tatabua ameh sijato-jati,  
Salam jo maaf hambo pintak,  
Jikok salorong pintak Sutan,  
Lah hambo bao kato jo mupakat,  
Pukan toh hambo nan babaso,  
Niniak jo mamak nan batungguah,  
Usahlah Sutan ketek hati,
- Sipangka : 7. Takilek api dari Padaug,  
Nampak kulao dilautan,  
Belaia tantang Indopuro,  
Kironyo hapa naik haji,  
Tadanga Sutan kabajalan,  
Baban nan barek jadi ringan,  
Jalan nan jauh jadi hampia,  
Kini mamintak kabajalan,  
Jarah tabilio lali kami,
- Sialek : 8. Baralek puti belang kapch  
Taji diayan nan kinantan,  
Timba a rajo dari Paati,  
Itulah rajo tujuh jurai,  
Injan gamang Sutan malapeh,  
Janji harek kami muliakan,  
Pandan baukua kami tapati,  
Anak jo bapak tak bacarai



Sipangka : 9. Parang urang dari Lasi,  
Bulando babaliak suruik,  
Bajanji kito bak kini,  
Pabilo babaliak suruik, Sutan.

Sialek : 10. Lah banyak Bulando mati,  
Tadarek di Kabun Alah,  
Dek ulah pamudo kito.  
Usahlah kito bajanji,  
Kok untuang takadia Allah,  
Malah kamari singgah pulo.

Sipangka : 11. Parang urang dari Kaluang,  
Musuah nan datang dari Bukittinggi,  
Lah lalu ka Pasadama,  
Tandonyo parang kamanjadi.  
Manolah pulo Sutan kanduang,  
Eloklah kito bajanji,  
Usah satangka nangko bana,  
Nak sanang pulo hati kami.

Sialek : 12. Gadang antimun nak rang Taluak,  
Bijo nan datang dari Koto Gadang,  
Ditanam nak rang Bukittinggi,  
Dibilang minum alah sajuak,  
Dibilang makan alah kanyang,  
Lapeh jo rilah malah kami.

= T A M A T =

## DAFTAR ISI

### KATA PENGANTAR PENJELASAN

<b>BAB I</b>	<b>A L U R</b>	
	1. Alur Rokok-Sirih	7
	2. Alur Minum-Makan	11
	3. Alur Adat Katangah	14
	4. Alur Timbang Tando	19
	5. Alur Parsilaan Katurun	27
	6. Alur di Pakuburan	32
	7. Alur Mambao Kato Mupakat	37
<b>BAB II</b>	<b>PASAMBAHAN ANAK MUDO</b>	
	1. Juaro Katangah	40
	2. Minum-Makan (Mamparenai Jamba)	47
	3. Adat Katangah	52
	4. Manjapuik Urang	58
	5. Parsilaan Katurun	64
<b>BAB III</b>	<b>P I D A T O</b>	
	1. Pidato Sirih dari Sipangka	70
	2. Pidato Sirih dari Sialek	72
	3. Pidato Balega (1)	75
	4. Pidato Balega (2)	77
	5. Pidato Panjang	78
<b>BAB IV</b>	<b>PANTUN PIDATO/PERSEMBAHAN</b>	
	1. Undang Penitahan Sirih	87
	2. Pantun Sirih	90
	3. Pantun minum-makan (mamparenai jamba)	96
	4. Pantun Mupakat	103
	5. Pantun Parsilaan Katurun	108



30